

بویوک ملت مجلسی

ضبط جریدہ سی

یوزاون یدنجی اجتماع

۱۱ تشرین اول ۱۳۳۸ چہارشنبه

مذہبات

— ضبط سابق خلاصہ سی

— اوراق واردہ

— آماسیہ استقلال محکمہ سی ایچون انتخاب اجراسی

— زینت اشباشنک منع دخولی حقنہ کی قانونک الفاسنہ داتر اولان لایحہ قانونیہ نک مذاکرہ سی

— مدانیہ قونفرانسنہ امضا ایدیلن مقاولہ نامہ عسکری

برنجی جلسہ

برامذاکرات

دقیقہ ساعت

۱ ۰

[رئیس — برنجی رئیس وکیلی وہبی افندی حضر تلیری]

کاتب : سعید بک (موش)

ضبط سابقہ مخصوصہ سی:

رئیس — افندم ! مجلس کشاد ایدلشددر بازار ایتسی

کونکی مذاکراتمکز خلاصہ سی او قونہ جقدر . دیکلہ یلم

(او قوندی) افندم . شواوقونان ضبط سابق خلاصہ سی

حقنہ بیان مطالعہ ایدہ جک اولان وارمی ؟ (یوق صدالری)

(ضبط سابق عیناً قبول ایدلدی)

افندم ، فوق العادہ اجتماعک ضبطی او قونہ جق !

اونی دہ دیکلہ یلم . (او قوندی)

افندم ! بونک حقنہ مطالعہ بیان ایدہ جک وارمی ؟

بیان مطالعہ ایدن یوق . (عیناً قبول اولوندی)

افندم ! شمدی آماسیہ استقلال محکمہ سی مدعی

عمومی و رئیس انتخاباتی وار . لطفاً بو انتخاباتی اجرا

ایدہ یلم .

فیاض عالی بک (یوزغاد) — رئیس بک ! آوانس

قانونی دہ رأیہ قونہ جق ایدی .

رئیس — اونی دہ یاپارز .

رفت بک (توقاد) — افندم ! آماسیہ استقلال

محکمہ سنہ لزوم قالمدی .

رئیس — افندم ! اولا آوانس قانونی حقنہ رأیلریکیزی

بیان بویوریکز .

یاسین بک (غازی عینتاب) — آماسیہ استقلال

محکمہ سی ورئیس حقنہ بر ایکی سوز سویلمہ مہ مساعدہ

بویوریکز .

رئیس — بر قاچ اوراق واردہ وارد . اونلر

چیقسونده اوندن صکرہ سویلر سکز .

امین بک (ارزنجان) — رئیس بک ! قانون اساسی

انجمنہ حوالہ ایدیلن مجلس بودجه سنہ وخرج راه متعلق

اولان مادہ قانونیہ یی انجمن دہا چیقارہ مدی . خرج راه

آلوب کیدہ جک اعضای کرام بو یوزدن کیری قالیور .

رئیس — افندم ! رأیی ویرمیں وارسه لطفاً ویرسونلر !

اوراق وارده :

رئیس -- قیر شهر مبعوثی صادق بکک اسلاماره
بایلان مظالم حقدنه بر تقریری وار . هیئت وکیلهر ریاستنه
کوندربوروز .

سوریه ، عراق و یمن ضابطانک قبول استغفارلی
حقدنه کی لایحه قانونیه نک اعاده سنه دائر اجرا
وکیللری هیئتی ریاستندن مورود بر تذکره واردر . او ،
اوقونه جق :

۳۳۸ - ۱۰ - ۷

تورکیا بویوک ملت مجلسی ریاست جلیله سنه

۲۱ تموز ۱۳۳۷ تاریخلی و ۱۸۶۰ قرار ۱۰۶۴ قیدنومرولو
تذکره ایله تقدیم قیلنن اردوده مستخدم سوریه ، عراق و یمنلی
ضابطانک قبول استغفارلی حقدنه کی لایحه قانونیه نک بعض
تدقیقات ایفاسی ایچون ، اعاده سی مدافعه ملیه و کالنتک
۱۰ - ۳۳۸ - تاریخلی و معاملات ذاتیه دائر دوسی ۲۱۴۳۳
نومرولو تذکره سنده بیلدیرلمکله ایفای مقتضاسنه مساعده
دولت لرینی استرحام ایلم اقدم .

تورکیا بویوک ملت مجلسی

اجرا وکیللری هیئتی رئیس

حسین رؤف

رئیس -- اقدم ! هیئت وکیلهر رئیس بولایحه قانونیه یی
بعض تدقیقات ایچون کیری ایستیور . قبول ایدنلر لطفاً
الدرینی قالدیرسون ! قبول ایدلشدر .
افندم ! محاربات اناسنده حسن خدمت لری کوریلنلرک
تقدیرنامه ایله تلطیف لری حقدنه باش قوماندانلق تذکره سی
وار . او ، اوقونه جق : دیکلیلم .

۳۳۸ - ۹ - ۲۷

تورکیا بویوک ملت مجلسی ریاست جلیله سنه

آنیون قره حصار ، طوهلی پیکار محارباتنده و دشمنک
تعقیباتی اناسنده بالفعل آتش آلتنده خدمات فداکارا -
نعلری مسبوق اولان مربوط جدوللرده اسامیسی محرر
امرا و ضابطانک بویوک ملت مجلسی تقدیرنامه سیله
تلطیف لری عرض و آنها اولنور .

باش قوماندان

مصطفی کمال

بویوک ملت مجلسی تقدیرنامه سیله تلطیف لری آنها

ایدیلن ضابطانک اسامیسی

ملازم اول محمد عارف افندی بن محمد جمیل اسکدار ،
ملازم ثانی جمیل افندی بن عزت از میر ، یوزباشی راشد
الناسی افندی بن محمد از میر ، یوزباشی عثمان افندی بن
بکر مغنیسا ، یوزباشی محمد حامی افندی بن مصطفی حلمی
آقره ، یوزباشی حافظ حلمی افندی بن مصطفی خرپرطه ،
یوزباشی حسن حسنی افندی بن سید علی سیواس ، ملازم
ثانی احمد عادل افندی بن محمود اسکدار ، ملازم اول
حسین عونی افندی بن شهاب الدین در سعادت ، یوزباشی
ممتاز افندی بن محمد عبد شام ، ملازم ثانی محمد جلال افندی بن
عاصم سکود ، ملازم ثانی علی رضا افندی بن ابراهیم قوچه حصار ،
بیکیباشی ابراهیم درویش افندی بن اسماعیل پاشا در سعادت ،
قدملی یوزباشی مصطفی صبری افندی بن اسماعیل در علیه ،
قدملی یوزباشی صبری افندی بن محمد علی یار امیج ،
ملازم اول جمال افندی بن حسنی از میر ، ملازم اول
احمد انور افندی بن عبدالله یوزخاد ، یوزباشی احمد حقی
افندی بن وصفی قترین ، بیکیباشی حامد افندی در سعادت ،
یوزباشی ابراهیم افندی بن اسکندر اورته کوی ، ملازم
اول محمد افندی بن ابراهیم یالواج ، ملازم ثانی بدری
افندی بن اسماعیل قوچه مصطفی پاشا ، ملازم ثانی ذکی
افندی بن فؤاد قاسم پاشا ، ملازم ثانی مولود افندی
بن نعمان ارمنک ، یوزباشی خیرالدین افندی بن ابراهیم
کملیک ، ملازم اول جلال الدین افندی بن کمال شهزاده
باشی ، ملازم اول احمد اسعد افندی بن حقی در سعادت ،
یوزباشی مصطفی افندی بن محمد ارضروم ، یوزباشی
مصطفی فیکرت افندی بن احمد از میر ، یوزباشی محمد
صبری افندی بن حسنی ردوس ، یوزباشی ایوب صبری
افندی بن حاجی کامل بیکی زغره ، یوزباشی حسین حسنی
افندی بن عمر لطفی اورفه ، ملازم اول مصطفی نصرت
افندی بن زاعم در سعادت ، ملازم اول علی ناظم
افندی بن فیضی ارمنک ، یوزباشی حیدر افندی بن
حسن بروسه ، ملازم ثانی عبدالله افندی بن محمد کرید .
امین بک (ارزنجان) - رئیس بک ! اسملرینی

صکرة ضبطده کوریرز. شمدي او قومقله وقت کچیرمیهلم
افندم .

فاض عالی بك (یوزغاد) — ضبطه کچر کافی افندم.
رئیس — افندم ! بر قاچ یوز اسامی وار . عدد
یکونلرینی او قومقله اکتفا ایدلسنی قبول ایدیورمیسکز ؟
عمر لطفی بك (آماسیه) — افندم ؛ علی الاسامی
او قومسی قانونیدر ، او قونسون !

رئیس — افندم ! الحمدلله غازیلر منک اسامیسی چوقدر .
بوکون او قونانی بوکون قبول ایدرز . دیگر لرینی ده یارینکی
صحیفه لر منی تزین ایتمک اوزره یارینه ترک ایتسه ک اولورمی ؟
(اولور سسلری) شمدي شو اسامیسی او قونان ذواتک
تقدیر نامه ایله تلطیف لرینی قبول ایدنلر لطفاً اللرینی قالدیرسون !
بالاتفاق قبول ایدلمشدر .

افندم ؛ آوانس قانونی ایکنجی دفعه رایه وضع اولندی .
۱۲۲ قبول ، ۵ رد ، ۴ مستتکف ایله قانون قبول
ایدلمشدر .

افندم ؛ اوده مش مدافعه حقوق و بلدییه ریاستلر ندن
مورود تبریک تلغرافی واردر . دیوان ریاستدن مناسب
جواب یازیلیر (مناسب سسلری)

صاروخان مبعوثی نجاتی بك ایله رفقاسنک اموال
متروکیه دائر تکلیف قانونیلری وار . لایحه انجمنه
کوندریوروز .

مصطفی کمال بك (ارطغرل) — رئیس بك ! آوانس
قانونه اشتراك ایدن همان ۱۳۳ کشیدن عبارت بولنیور .
شو حالده مجلسده اکثریت یوقدر .

رئیس — اسکیشهر مبعوثی امین بك وبای بقری
حقتنده کی شفاهی سؤال تقریرینه بوکون اقتصاد وکیل
جواب ویره جکلردر . دیکله یهلم .

یوسف ضیا بك (مرسین) — سؤال تقریری
او قونسون !!

رئیس — افندم ! سؤال تقریری او قونه جق دیکله یهلم .

(صاحب سؤال یوقدر ، بوکون او قونه ماز سسلری)
افندم ! مساعده بویوریکز ! بلکه واردر . وکیل

بك دیور ، که : بو مهم بر مسئلهدر .

بن بویله برشی آلتنده قالمق ایستتم . مجلس جوانی یارینه تعلیق
ایتسون ! امین بك بولنورسه یارین جواب ویریرم دیور . بو
تکلیفی قبول ایدنلر لطفاً اللرینی قالدیرسون ! قبول ایدلمشدر .
قره حصار مبعوثی علی بکله استانبول مبعوثی رضا بکک
معاونتک ترفیهی ایچون ، برتمنی تقریری وار . مدافعه
ملیه انجمنه کوندریوروز .

علی رضا بك (استانبول) — افندم ! مساعده
بویوریکز ! تقریرده بر انجمن مخصوص تشکیلی تکلیفی
ایدیلور . لطفاً تقریر او قونسون .

ریاست جلیلیه

حرب معلوللرینک ترفیهنه اساس اوله رق ، مدافعه
ملیه انجمنه کچن سنه تنظیم قیلنان لایحه قانونیه اخیراً
موازنه مالیه انجمنک تکلیفی اوزرینه ، حرب حاضرک
نهایتنه قدر مأذون عد ایدلمک صورتیه ، قبول ایدیلان
بر قانون ایله حالاً معلولینک ترفیهی اسبابی تأمین ایدلمش
ایسه ده حرب حاضرک ختامیه قاعد واستعفا قانوننامه سنک

۲۶ نجی ماده سنده کی ۱ : ۶ درجات اوزرینه اجرای
تقاعدلری ضروری اولدیغندن ، معلولینک ترفیهنه اساس
اوله جق بر قانونک میدانه کتیریه مه مسی یوزندن حرب
معلولین عسکریه سنک تکرار دوچار سفالت اوله جقلری
ظیمیدر . موازنه مالیه انجمنی مقدا قانونه اساس اولان
اسباب موجه مضبطه سنده [بونکله برابر بوتون افراد
ملک ، مؤسسات خیرییه دولتک مشترک مساعی و تشبثاتیه
مطلوب مؤسسه نک سرمایه و تأمینات مالیه سنک دائمی
اساسلرینی وضع ایده جات صاعلام بر پروژه نک احضارینه
چالیشمسنی] تمی ایله مش ایسه ده بوتمنی ده بوکونه قدر
فعلیاته انقلاب ایده مه مش اولدیغندن ، اک حیاتی ماغیتی
حائر اولان معلولینک ترفیهنه اساس اوله جق بر قانون
مدینک موقع تطبیقه وضعی تأمیناً ، صحیه و معاونت
اجتماعیه ، اقتصاد ، مدافعه ملیه انجمنلردن انتخاب ایدیه جک
در در اعضاءن مرکب بر انجمن مخصوصک تشکیلی و اعظمی
بر آی ظرفنده بر لایحه قانونیه نک احضار یله هیئت عمومیه
عرض ایدلسنی تکلیف ایلرز . ۱۱ - ۱۰ - ۳۸

قره حصار صاحب
علی رضا
استانبول
علی

تخصیصات فوق العاده نرده دوغریدن دوغری به نصفاً ویریلیر . بوحالده بر ملازم ثانی یکریمی بش سنه اردوده خدمت ایتمک قیدیه وایکی کوزی اعمی اولدیغنی حالده ، ۶۶۵ غروش معاشلی اصلی ۹۰۰ غروش تخصیصات فوق العاده آله جق ، که : یکوناً ۱۵۶۵ غروش قدر اوله . جقدر . ایکی کوزی اعمی اولان بر ملازم ثانیک ۱۵۶۵ غروش ایله تأمین ترفیهی ممکنمیدر؟ بو، بالطبع غیر ممکندر . حسن بك (طربزون) — اوباره مزك درجه اشتراسنه تابعدر .

علی رضا بك (استانبول) — بن بو کونکی وضعیتی سویلیورم . بوندن صکره المزده کی بوقانون هیچ بر زمان معلولینک ترفیهنی تأمین ایده جک ماهیتی حائر دکلدر . بوندن دولایی بوقانونی تعدیل ایتمک و حقیقه معلولینک اسباب ترفیهنی تأمین ایده جک یکی اساسلر دائره سننده بر قانون میدانده کتیر مک بزم ایچون بروظیفه در فکر یله بوتسکلیفی یاپیوروز . بوتقر یله ایستدیکمزشی اقتصاد ، موازنه مالیه انجمنلرنندن مشترکاً بر انجمن مخصوص تششکل ایتمسون . بو انجمن مخصوص اوزون تدقیقات یاپسون ، آوروپا قوانینی تدقیق ایتمسون ، بر لایحه قانونیه میدانده کتیرسون ، بولایحه قانونیهی بجلسه عرض ایتمسون ، مجلس ده بواساس دائره سننده معلوللری ترفیه ایتمسون . یوقسه بوتقاعد واستعفاقانوننک ۲۶ نجی ماده سی بر ترفیه ماده سی دکلدر ، برسفالت ماده سیدر افندیلر .

عمر لطفی بك (آماسیه) — بنده کز تامیله هم تقریرک مفادینه و همده رضا بکک فکرینه اشترک ایدرم . بوکا علاوه ایدیله جک بر شی وارسه ، آنجق؛ یالکز بو استقلال حربی معلوللری دکل ، حرب عمومیده کی معلوللرکده داخل اولسی لازم اولدیغنی عرض ایدرم . چونکه اونلرده عین غایه و عین مقصد اوغرنده معلول قالمشلدردر . حتی قولنک برینی غزه محاربه سننده غیب ایدن آرقداشلر- مدن بیکباشی محمد شوکت بك نامنده بر ذات بو حرب اثناسنده بورایه کلک اوزره ، عرض خدمت ایتمشدر . فقط؛ بورادن لزوم کوسترله مشدر و کندیسسی استانبولده در . بزم استقلالمز ایچون قولی غیب ایدن آرقداشلر منزی

علی رضا بك (استانبول) — افندم ! مدافعه ملیه انجمنی استقلال محارباتی معلوللرینک ترفیهی ایچون ، بر لایحه قانونیه میدانده کتیر مشدی . بالآخره موازنه مالیه انجمنی استطاعت مالیهی نظر دفته آلهرق ، بوقانونک قبولی جهتی التزام ایتمدی . یالکز بوقانونه عائد اولمق اوزره ، بر پروژه بالآخره احضار ایدیلوب بجلسه تقدیم ایدلک اوزره ، موقتاً حرب معلوللرینک حرب حاضرک ختامنه قدر تام معاش و تخصیصات ایله مأزون عد ایدمللری اساسنی تکلیف ایتمدی و مجلس عالی بونی قبول ایتمدی . حالاً حرب معلوللرینک اسباب ترفیهی تأمین ایدلمش اولیور . فقط ؛ حرب حاضرک ختامی ایله مقید اولان بو ترفیه اسبابی حرب حاضرک ختامیه تکرار تقاعده سوقلرینی التزام ایتمدیره جقدر . حالبوکه تقاعد واستعفاقانوننک یکریمی آلتنجی ماده سننده کی بردن آلتی به قدر تعیین اولنان معلولیت اساس داخلنده ، بوضابطانی تکرار تقاعده ارجاع ایده جک اولورسوق ، طبیعتیه حرب معلوللری سفالته محکوم اوله جقدردر . بوماده ؛ حقوقی ، اجتماعی ، فنی و علمی اساسندن تماماً مجرددر و قانونک بوماده سی هیچ بر زمان بر معلولک رفاهنی تأمین ایده جک ماهیتده یاپیلما مشدر . بوکامثال اولمق اوزره ، بعض ارقام اوزرینه معلومات و بر مک ایسترم . حق تقاعد اولان ، یکریمی بش سنه یی اکال ایتمش اولان امر و ضابطانک معلوللرینی بو اساس داخلنده بوجدول ترتیب ایدلمشدر . اوکادائر مقدر لرلی عرض ایدر سه م ، ویریلن معاشک بوقانون موجبجه نه قدر آزا اولدیغنی و معلوللریمزک بالتیجه سفالته معروض اوله جنی میدانده چیقبا بیلیر . میر آلائی رتبه سننده بر حرب معلولی ایکی کوزی اعمی اولدیغنه کوره برنجی درجه دن ایکی بیك سکزیوز اللی غروش معاش آلیر . بر قائم مقام (۲۳۷۵) بیکباشی (۱۹۰۰) ، قدملی یوزباشی (۱۲۳۵) .

امین بك (ارزنجان) — بلاضم ، معاش اصلیمیدر ، بو؟ علی رضا بك (استانبول) — بلاضم معاش اصلیدر . بر یوزباشی ۹۹۷،۵ ، بر ملازم اول ۷۶۰ ، بر ملازم ثانی ۶۶۵ غروشدر . یعنی ایکی کوزی اعمی اولان رتب مختلفه دن حرب معلوللرینه ویرلسی لازمکن معاشلر بودر . حالبوکه

رئیس — شمدي مصطفي بکک بر تکلیفی وارکه ؛
 والکتر معلولین عسکریه دوشونیلیمه سون ، مملکتده کی
 بالعموم معلولین دوشونیلیمه سون ، دیبور .
 دوقتور مصطفي بک (قوزان) — حتی متقاعدین ،
 ایتم و ارامل ..

رئیس — بونی نظر دفته آلق اوزره انجمنک
 تشکیلی قبول ایدنلر ؛ (آکلاشلمدی سسلری)
 علی سروری افندی (قره حصار شرقی) — افندم !
 بویله بر تکلیف ایله انجمن مخصوص تشکیلی قبول ایتمک
 نه دیمکدر . بناء علیه ؛ بو تکلیفی پایان آرقداشلیمیز بر
 شکل بولمیدر . انجمن نه صورتله تشکل ایده جک وزمین
 مساعیسی نه اوله جق ؟ بر ماده اوله رق ذکر ایتسونلر !
 بویله بر تمی تقریری ایله مجلسدن انجمن مخصوص تشکل
 ایده من .

حقی حامی بک (سینوب) — افندم مجلس عالیکنز
 طرفدن بک یقین زمانده ، قبول ایداش بر قانون واردر .
 او قانونده استقلال مجاهده سنده سق قالمش و کندیلرینه
 معاونت اجراسی لازم کلنلر حقتده در . ظن ایدرم ،
 او قانونده دینمدره ، که : اساسلی بر صورتده بونلرک ترفیهی
 بالاخره دوشونیلیمک اوزره ، شمديک عاجلاً بو قانون
 قبول اینلشدر . دیه استقلال مجادله سنده معلول دوشنلر
 حقتده قانون چیقیدینی زمان ، بوراده اوزون اوزادی به
 مذاکره جریان ایتمش و او وقت دینمش ایدی ، که : بو
 مملکت ایچون ، چناق قلعه ده ، بالقان حربنده ، طرابلس
 غربده ، مملکتک اقسام مختلفه سنده استقلال اوغرنده
 معلول قالان بر جوق وظنرورلر واردر . دینلدیکی زمان
 بونلر حقتده بالاخره بر قانون ایله بورایه کلنه جکدر .
 او وقت دوشونیلیمه جکدر و شمديک بو مستعجلدر دینمش
 و اولله او قانون قبول ایدلشدی . بناء علیه ؛ رضا بک
 و رفقا سنک ویرمش اولدقلری بو تقریر او احضاری
 ایستیلیمش قانوندن باشقه بر شی دکدر . مجلس عالیکنز
 ذاتاً بویله بر قانون لایحه سنک تنظیمی تا اوزمان قبول
 بوورمشدی . آنجق رضابک افندی بو قانون لایحه سنی
 تنظیم ایچون ، شمدي به قدر انجمنک فعالیتی کورولمده .

سقیل براقیم . کندمز سقیل قالمغه راضی اولورز .
 شکری بک (بولی) — بر آزده افراد دوشونیلیمه سون .
 عمر لطفی بک (آماسیه) — قومسیون اونیده
 دوشونسون . افراد ایچون ده ماده قانونیه واردر .
 بوق دکدرکه . بالقان حربنده معلول قالانلردن بردانه
 سنک مکتوبی المده در . دیبورکه استقلال حربنده کیلر
 ایچون برشی باحق ایستورسکنز . فقط ؛ بزیده اونوتماک !
 بک استرحام ایدرز . عین غایه اوغرنده بنده بر باجاشمی
 غیب ایتم . دیبورکه ، بک دوغریدر و بونی سوبیلین
 بیلدیکم بر ضابطدر . بونلر ایچون ، بودجه ده بر بولمنازه
 باشقه بولنه حق منابع واردر . بونلره باشقه شیلر بوله
 بیلیرسکنز . بوکون المزده قالمش بر جوق شیلر واردر .
 فقط صردسی کلدیکی ایچون ، عرض ایتمورم . بونلره
 بر جوق شیلر ویریلیر . و بونلرک ترفیهی تأمین ایدلش
 اولور . اونرده بوندن حقیقه متسلی اولورلر .

رئیس — افندم ! مساعده بو یوریکز شو تقریرک
 خلاصه سی ، معلولین عسکریه نک ترفیهی ایچون ، یکیدن
 بر انجمن تشکل ایتسون ، دوشونسونلر ، طاشینسونلر
 یکیدن بر لایحه قانونیه احضار ایدرک بزه کتیرسونلر .
 بونی قبول ایدوب ایتمه مک رای عالیکنزه منوطدر .

دوقتور مصطفي بک (قوزان) — بونی عمومی یابسه ق
 دها ای دکلی ؟ اوته ؛ معلولین عسکریه نی دوشونیمک
 بویوک بر مسئله در . آنجق بو مملکتک ایچینه عسکر
 معلوللردن غیری اوله رق ، بر جوق معلول مأمورین
 واردر . عجبا بونلرک وضعیت مستقبله لری ایچون برشی
 دوشونسولر : و بونلرک اقتصادیات ساحه سنه توجیهی ایچون ،
 بر انجمن مخصوص تشکیل ایدلسه ده ، عموم معلولین نظر
 اعتباره آلنسه دها ای اولمازی ؟

علی رضا بک (استانبول) — تکلیف ایستدیکنمز
 انجمن مخصوصده بونک ایچون دکلیدر ؟

دوقتور مصطفي بک (قوزان) — یالکتر معلولین
 عسکریه مسئله سی دکل ، مملکتک بوتون مأمورینی ایچون
 اولسون ؟ بو برکل دکل ، بر جزؤدر حالبوکه ؛ اورته ده
 کل واردر .

باشی نجیب افندی اسمنده بر ذات واردر . قافقاس
 جبهه سنده کی ، محارباتده انی ، قولنی غیب ایتش ، اسیر
 دوشمش ؛ روسیه یه کیمش ؛ بر زمانلر اوراده قالمش .
 صکره سورونه ، سورونه استانبوله قاجمش . فقط استانبو-
 لدهده کیمسه یوزینه باقماش ، اورادهده بر مدت دیلنمش .
 صکره ارضرومه گلش . بو ذاتی بوکون ارضرومده ،
 سواقلرده آراهه ایله کز دیر نیورلر وپاره دیله نیورلر .
 افندیلر ! ایشته بو ذات ، بزم برضا بطمز ، بر یوزباشمزدرد .
 جانی بوملت اوغرنده فدا ایتمشدر . لیکن کیمسه یوزینه
 باقماور . رجا ایدرم افندیلر ! بونلر حقنده موجود بر
 قانون وار ، فقط ؛ احکامنی تطبیق ایتدیکز : بو ، کناهدر ،
 یازیدر . بویله یکی بر قانون یامه دن اول ؛ مملکتده بویله
 نه قدر معلوللر وارسه ، اولا اونلرک پاره لری ویرک .
 صکره قانون یاپک . مملکتده بوکی معلوللر پک چوقدر .
 بر دکل ، ایکی دکلدرد ... مثلاً سزه فخری چاوش اسمنده
 بر یسنی سویله بیلیرم : ایکی آغی کسلمشدر . افندیلر !
 معلول قالمش بر نفرک معاشی قرق غروشمیدر ، آلتش
 غروشمیدر ؟ ندر ؟ ایشته اوده ویرلیور و او بیچاره لر
 سورونیورلر . بو زوالیلر هب سزک اوغرنده کزده و مملکت
 اوغرنده حیاتلری ، قانلری فدا ایتمش غازیلر و قهر مانلردر .
 افندیلر ! بونلرک قدرلری بیله لم و اونلرک پاره لری ویرم .
 رجا ایدرم ، افندیلر ! بوکون بو باده بر قرار اتخا ایدیکز
 و اول امرده ، مملکتده بولنان بوکی معلوللرک اسملری
 تثبیت ایدیکز و پاره لری ویریکز . بویله معلوللردن اولجه
 استانبولده بولنانلر ؛ اوراده کیف ایچون ، دورمش
 آدملر دکلدردر . استانبولده بر مقصد اوغرنده دورمش
 انسانلر دکلدردر . صاحب سز اوله رق استانبولده قالمش و سورو-
 نمش و نهایت بر همشیریسی و یا خود اصحاب خیردن بر ایکی کشی
 بونلرک اللرندن طوته رق ، مملکتلرینه کوندر مشلردر .
 مملکت سزک هر طرفنده بوکی معلوللر ، سوروم ، سوروم
 سورونیورلر .. افندیلر ! بونلرده بزم اولاد لر مزدر ،
 بونلرده بزم اوغرنده قانلری دوکمشلردر . رجا ایدرم ،
 بونلر حقنده بر قرار اتخا ایدک .
 رفیق بک (قونیه) — اگر ؛ مسئله نی شمدهی مذاکره

یکندن دولای بر آن اول بو قانون ایله ، بو لایحه ایله
 علاقه دار اوله حق بر انجمنک مجلس عالی کزک آره سندن
 تعیینی تسکلیف ایدیورلر ، که : بو مجلس عالی کزجه اولجه
 تصویب ایدلمش بر اساسدن باشقه دیمکدر . بو اعتبارله ، رجا
 ایدرم ، بو مسئله قبول ایدلسین و بر انجمن بو مسئله ایله
 مشغول اولسون !
 مأمورین سائره حقندهده ، یعنی وظیفه اوغرنده کندیسینی
 فدا کارلغه سوق ایتمش و بو صورتله معاونته عرض احتیاج
 ایدنلر حقندهده عمومی بر پروژه تنظیم و مجلس عالی کزه
 تقدیم ایتک اوزره ؛ بر انجمن تشکیلی هر حالده موافقدر .
 رجا ایدرم ، بو تکلیف قبول ایدلسین .. بو تکلیف
 قبول ایدنک ایله مطلقاً بر قانون قبول ایدلمش دکلدرد .
 بو تکلیف شمیدین قبول ایدیلرسه ؛ ایلریده ینه مجلس
 عالی کزه بر لایحه قانونیه کله جک و مذاکره سی بایله جقدر .
 طور اقبک (ارضروم) — افندیلر ! بنده کز بو تکلیف
 اوزرینه ؛ بوکا متعلق بر مسئله دن بحث ایده جکم . ایجه
 دیکله مکزی رجا ایدر و نظر دقت کزی ده جلب ایلرم .
 افندیلر ! بز بویله بر ترفیه قانونی نه ایچون یاییورز ؛ ونه
 ایچون مذاکره بولتیورز ؟ مملکت اوغرنده فدا ای جان
 ایدنلری یا شاتمق ایچون دکلی ؛ افندیلر ! مملکت اوغرنده
 فدا ای جان ایتمش اولانلری ؛ اولا ، یاپدیغمز قانونلره
 یا شاه لده صکره یکی قانون یامم . افندیلر ! بوکون بزم
 مملکت سزک هر طرفنده بر طاقم معلول ضابطان واردر .
 اسملری ده سایه بیلیرم . هم او یله معلوللر که : ال یوق ،
 کوز یوق ، آباق یوق ، .. هیچ رشیتی قالمش ... فقط
 هر ناصلسه بویله لردن بعضیلری استانبولده قالمش ..
 مثلاً - بز بوراده بر قانون یاممشدق - او قانون یاپدقدن
 اون بش ، یکریمی کون ، او توز کون صکره ؛ بویله بر زواللی
 کیم بیلیر ؟ نه محرومیتلره قاتلامش ، نه کبی سفالتلره تحمل
 ایتمش ؛ قالمش بورایه گلش ... فقط ؛ هیچ بر کیمسه
 اونک حالی نظر دقته آلامش ، سنه لردن بری سورو کله نیور ؛
 آج و محتاج دیله نیورلر .. از جمله بنده کز بر دانه سندن
 بحث ایده جکم ، که : حقنده تحقیقات یاپدیریکز . اگر دیدک لرم
 حقیقت چیقمازسه ، سز بکا نه دیرسه کز دیکز : یوز

ایدیورایسهک؛ طوراق بکک چوق مهم مطالعاتی اطر افنده
بو خصوصه بزمده اوزون بویلی چوق سویله به جکار مز
واردر .

طوراق بک (دوامله) — بنده کز بومسئله ایله
علاقه دار اولدینی ایچون ، بسوزلری سوبلم .

امین بک (ارزنجان) — اقدم ! آرقداشلر مزك
فریادی ؛ بک حقلیدر . کرک استقلال مجادله سنده و کرک
حرب عمومیده — که اوده بر استقلال مجادله سیدر —
معلول اولان ضابطانک ترفیهی بزم وظیفه مزدر . فقط ؛
بزم المزدوده بر نظامنامه داخلی واردر ، بو نظامنامه
داخلیده بو کبی ، قوانینک تکلیفی اصولی واردر . بونک
خارجنده بر تمی تقریری ایله بویله بر انجمن تشکیلی
تکلیفی نظامنامه به مخالفدر . ماده صریحدر و نظامنامه بی
قبول ایتشکمز . بناء علیه ؛ بونی تکلیف ایدن آرقدا -
شلیمز بویله بر لایحه یاپارلر ، ریاسته ویرلر ، علی الاصول
لایحه انجمنه کیدر . لایحه انجمنی ده عائد اولدینی انجمنه
حواله ایدر و او صورتله نتیجه لیر . بویله علی الاطلاق
هر بحث ایچون مذاکره آچق دوغری دکلدرد . بو مجلسک
ایشلرنی یوروتومه مک دیمکدر . آرقداشلر بر تکلیف
قانونی ایله کلیدرلر .

علی رضا بک (استانبول) — مساعده بویوریکز!
ایضاح ایدیم . تقریر صاحبیم : اقدم ! اولجه معلولینک
ترفیهی ایچون ، بر قانون یایلشدر . بو قانون موازنه مالیه
انجمنجه ، استطاعات مالیه نظر دفته آلمش و معلولینک
هیئت عمومی سنک خزینه دن ترفیهی دوغری اوله میه جنی
ایلری سوروله رک دوغریدن ، دوغری به مملکتک منابعدن
استفاده ایتدیرلمسی و مالی تأمینات آلتنده بر طاقم مؤسس لر
وجوده کتیریلرک بو صورتله معلولینک ترفیهی دوشونلش و اسباب
موجبه مضبطه سنده بویله بر قانونک احضاری تمی ایدلمشدر .
قبول ایدیلن وزمان ایله مقید اولان موجود قانون اونلرک
اسباب موجب سنده کی ، بو تمی به استناداً موقتاً قبول
ایدلمشدر . شمعی حرب حاضر ختام بولمق اوزره در .
حرب حاضر ختام بولدقن صکره ، معلولین سفیلمی
قاله جقدر ؛ طوراق بکک بویوردینی کبی بونلری ده الیم

کریوه ایچروسنمی سوروکله به جکز ؛ طبیعتله معلولینی
دوشونمک و ترفیه ایتمک بزم وظیفه مزدر . چونکه ؛ بو
حربی یاپان بویوک ملت مجلسیدر ، مملکتک استقلالینی
تأمین ایتمک ایچون بونلرک معلولیتنه قاتلانان ینه بویوک
ملت مجلسیدر . او حالده بو معلوللری ده یاشاتمق ،
ترفیه ایتمک بزم وظیفه مزدر ، بونلری دوشونه جکز
افدم .

امین بک (ارزنجان) — اقدم ! بونلری ترفیه
ایتیمم دیمورز ، که بر لایحه قانونیه ایله تکلیف ایدیکز
دیوروز .

علی رضا بک (استانبول) — اقدم ! فکر ، مقصد
مقید اوله ماز . مقصدک استحصالی لازمدر . مقصدی
استحصال ایتمک ایچون ، چالیشمق و وظیفه مزنی ایضا
ایتمک مجبور ایتنده ز . (بر او سسلری) صکره اقدیلر !
کیمسه اولمز بونی بیلکمز . مجلس عالی دن تمی ایدیورم ،
بویاش کورولسون دیوروم .

علی سروری اقدی (قره حصار شرقی) — اقدم !
علی رضا بک اقدینک مطالعه لری دوغریدر . فقط ؛ تقریر
تمی ماهیتنده در . اکر بومتقاعدلر موازنه مالیه دن ترفیه
ایدیله جکلر سه ، بویله بر قانونک اساساتی ، مملکتک وضعیت
مالیسنه دوغریدن دوغری به تماس ایدن و واقف بولنان
ومملکتک اداره سندن مکلف و مأمور بولنان هیئت وکیل
طرفندن احضاری لازمدر . رضابک اقدی بویوردیلر ، که :
« موازنه مالیه دن دکل ، باشقه منابعدن پاره بولنه جقدر
وباشقه مؤسسات وجوده کتیریلرک ، او صورتله اقدار
ایدیله جکلر « دیور . بو نقطه نظر دن هیئت وکیله نک بو نقطه
اوزرنده مجلس عالی کزک نه کبی تأسیسات بوله جغنی ونه کبی
تشکیلات یابه جغنی ونه کبی منابع بولدیغنی آکلایه جق و اوکا
کورده ؛ احکام وضع ایده جک . تقریر ، چوق مهمدر .
رد ایتمکده موافق دکلدرد ، فقط ؛ مجلس عالی کزجه
تشکیل بویوریله جق انجمن مخصوصکده متمر و مفید بر
نتیجه حاصل ایده جکنه قانع دکلم . بناء علیه ؛ بو تقریرک
هیئت وکیله به حواله سنی تکلیف ایدیورم .

رئیس — اقدم ! مسئله توضیح ایتشدر . شمعی ۱۳۰۵

و مأمورین مذکورہ یہ عائد تعلیماتک اجرا و کیلاری ہیئتک
۹ - ۱۰ - ۳۸ تاریخلی اجتماعندہ تقرر ایلدیکی برای
معلومات عرض اولنور اقدام .

تور کیا بویوک ملت مجلسی

اجرا و کیلاری هیئت ریسی

حسین رؤف

رئیس — اقدام! رأفت پاشا حضرتلرینک ..

فیاض عالی بک (یوزغاد) — رئیس بک ! برای

معلومات دینیلیور . ضبطه کچشدر بوکافیدر! (مأذون عد

ایدیله جک صدالری)

رئیس — اقدام! رجا ایدرم ، دیکلیم . محاوره

اولماسون . قونیه مبعوثی وهی افندیکنک اصول محاکمات

قانونسک الفاسنه دائر تکلیف قانونسی وار . لایحه انجمنه

کوندر بیورز .

علی سروری افندی (قره حصار شرقی) — رئیس

بک ! رأفت پاشا حضرتلری حقندگی معامله نه اولدی ؟

رئیس — برای معلومات عرض ایلدی ، اقدام .

محمد شکری بک (قره حصار صاحب) — برای

معلومات اوله ماز ، مأذونیت اعطاسی لازمدر .

فیاض عالی بک (یوزغاد) — مأذونیت کلمه سی بوق

اقدام . برای معلومات دینیلیور .

محمد شکری بک (قره حصار صاحب) — شمندی به

قدر ، امثالی هب مأذونیت آمشدر .

رئیس — رجا ایدرم ، هیئت وکیل به برای معلومات

مأموریننی بیلدی بیورز . زده عرض ایتدک! مجلس ده قبول

ایدیور ، مأذون دیمک دکلیدر ، بو ؟

فیاض عالی بک (یوزغاد) — هیئت وکیل تذکره سند

دیور ، که : برای معلومات عرض اولنور . زده دویوق .

مسئله بودر .

رئیس — اقدام! بو ، موجب مناقشه اوله حق بر

مسئله دکلدر . رأفت پاشانک مأذونیتنی قبول ایدنر لطفاً

الیرینی قالدیرسون! قبول ایدلشدر . بو بر منازعه به

دکه جک برشی دکلدر . (مأذونیت نه قدر ؟ سسلری)

مساعده بویوروک ، دیکلیم .

مأمورین محاکمات انجمنی وهیئت مأمورین قادر وسنک

برتقریر واردر . برده بوتقریرک خلافت بعض مطالعات

واردر . یعنی مجلس عالیدن بویله معلول اولان غزات

مسلمینک سفیل اولماسنی آرزو ایدن کیسه یوقدر .

بو ، جهلنک قبول ایتدیکی بر حقیقتدر . فقط ، بعض رفقای

محترمه ، بومسئله اصولی دائره سند جریان ایتسون ، دیورلر .

بغضیلری ده بوتقریر ، بر لایحه قانونیه شکند کتیرلسون ده

اوندن صکره موقع مذاکره قونسون دیور . بناءً علیه

بند کز تقریری رأی عالیکزه وضع ایدیورم .

مفید افندی (قیرشهر) — رئیس بک ! هیئت وکیلدن

هرهانکی برشکلده بر لایحه ، مجلس عالی به تکلیف ایدیه

بیلدیکی کبی ، مجلس عالی اعضاسندن هرهانکی بری ده

بویله بر لایحه قانونیه تکلیف ایدیلیر . بناءً علیه ؛

بوتقریرده ، لایحه انجمنه کتیلیدر .

رئیس — شومنی تقریرینی قبول ایدنر لطفاً الیرینی

قالدیرسون! قبول ایدله مشدر . (آکلاشلمدی صدالری)

بومسئله ؛ لایحه قانونیه شکند کلسون ، اوصورتله مذاکره

ایدلم .

علی سروری افندی (قره حصار شرقی) — بند کزک

تکلیفم ؛ صورت شکله تعلق ایدن بر تکلیفندر ، که : تقریرک

هیئت وکیل به حواله سنی تکلیف ایتدم . اوشکلده رأیه

قونسون .

رئیس — اقدام! تقریرک هیئت وکیل به حواله سنی

قبول ایدنر لطفاً الیرینی قالدیرسون! (رد اولنشدر ،

صدالری) هیئت وکیل به حواسی قبول ایدنشدر .

رئیس — اقدام! قونیه مبعوثلری کاظم حسنی بکه

موسی کاظم افندیکنک قوج حصار قضا . نک ده قوویل ایله

شمندوفر خطنه ربطنه دائر تقریرلری وار . هیئت وکیل به

کوندر بیورز . تراکیابی تسلیم ایتدک اوزره از میر مبعوثی

رأفت پاشا حضرتلرینک مأمور ایلدیکنه دائر تذکره

وار ، عرض معلومات ایدیلور ؛ او قویورز :

تور کیا بویوک ملت مجلسی ریاست جلیله سنه

مدانیه قونفرانس مقررانی وجهله شرقی تراکیابی

بویوک ملت مجلسی حکومتی نامه تسلیم ایتدک اوزره ،

باش قوماندانلق طرفدن اردو قوماندانلرندن از میر

مبعوثی میرلوا رأفت پاشا حضرتلرینک مأمور ایلدیکی

توسیع حقنہ کی تکلیف قانونیہ دائر موازنہ مالیہ انجمنی مضبوطی وار ، روزنامہ آیورز . مناسب ہر کوندہ مذاکرہ ایدرز .

پوستہ اجور اتانک تزییدی حقنہ کی لایحہ قانونیہ دائر کڈلک موازنہ مالیہ انجمنی مضبوطی وار . اونی دہ روزنامہ آیورز . مناسب ہر کوندہ بونی مذاکرہ ایدرز .

آماسیہ استقلال محکمہ سی ریڈی ومدعی عمومیسی انتخابانہ باشلایہ جغز . لطفاً رایلریکزی وریکزی !

یادین بک (غازی عینتاب) — سوز ایسترم رئیس بک ! افندم ! بوندن برقاچ آی اول حکومت ، آماسیہ دہ بر استقلال محکمہ سنہ لزوم اولدیغنی بورادہ قطعیتلہ بیان ایتدی و بونک اوزرینہ مجلس دہ بونی قبول ایتدی . فقط ؛ آرہدن اوزون مدت کچدیکی خالدہ ، انتخاب یاییلمادی . حتی کچن کونکی انتخابدہ بویلہ بر آماسیہ استقلال محکمہ سنہ لزوم قالمادیغنی مجلس عالیدن سکسان ذاتک مستکف قالمسیلہ آکلاشلدی . حقیقہ ، حکومت ینہ اورایہ استقلال محکمہ سی اعزای لزومنی سویلیور . بوندن دولاییدر ، کہ : مجلس عالی متردد وضعیتدہ قالیور و انتخاب اجرا ایدیلمیور . اگر بو کون ایچون ، حقیقہ آماسیہ دہ استقلال محکمہ سنہ لزوم اولمادیغنی حکومت طرفندن بیلیدیورلورسہ ؛ انتخاب یاپارز . حکومت ، بو کون ایچون ، بویلہ بر محکمہ یہ لزوم واردر دیہ نیجہ نصل انتخاب یاپاییلورز ؟

یادین بک (لازستان) — آماسیہ استقلال محکمہ سی ایچون ، بعض آرقداشلر تعین ایدلمش ، انتخاب ایدلمش . بک اعلا . فقط ؛ استعفا ایتشلر وچکلمشلر ! بک اعلا . یالکزی ناصل استعفا ایدیور و ناصل چکلیلیورلر ؟ ایشہ عثمان نوری بک وفلان . . . حکومتک ، بوندہ اصرار ایتدیکی یوق ، کہ ! حکومتک اصرار ایتسی لازمدر . او وقت انتخاب اولسون . بناء علیہ ، بن مستکفمہا . . . (خنددلر)

آماسیہ استقلال محکمہ سی ایچونہ انتخاب :

[آماسیہ استقلال محکمہ سی ایچون رئیس ومدعی عمومی

انتخابنہ تعین اسامی ایلہ باشلاندی]

رئیس — افندم ! رایلریخی استعمال ایتمینلر لطفاً

رایلریخی استعمال بویورسونلر ! [عبدالغنی بک موش ، حسنی بک بتلیس ، فیاض عالی بک یوزغادہ ، تصنیف آرایہ مأمور ایدلمشلردر .]

افندم ! زیر قائممقام سابق رفیق بک حقنہ کی حکمک رفعنہ دائر استدعا انجمنی مضبوطی وار . اونی او قویہ جغز .

رفع حکم و عفری متضمن مضبوطی رک مذاکرہ وقبولی : استدعا انجمنی مضبوطی

اشبو اوراق تدقیق و مطالعہ اولندی . زیر قائممقام سابق احمد رفیق بک حقنہ اقرہ استقلال محکمہ سنہ اعطا اولنان حکمی حاوی اعلام ایلہ مأمورین محاکماتی انجمنیجہ تنظیم ایدیلان مضبوطہ مندرجاتی بالتدقیق اسناد اولنان مسائلدن ۱۵ حزیران ۳۸ تاریخندہ استقلال محکمہ سنہجہ محکوم ایدلمش ایکن ۲۰ مارت ۳۸ تاریخندہ عین مسئلہ دن ناشی اعطا اولنان منع محاکمہ قرارنامہ سی ۱۰ تموز ۳۸ تاریخندہ بویوک ملت مجلسی محاکمات انجمنیجہ بالتدقیق تصدیقہ اقران ایلدیکی آکلاشلمشدر .

وقوعی ادعا اولنان مسائلک قائممقام مومی الیہک وظیفہ مأموریتندن منبت بولندیغنه نظراً تحقیقات اجراسنہ مأمورین محاکماتی حقنہ قانون احکامنہ توفیق ایدلمسی اساساً ضروری اولقلہ برابر حد زانندہ عین ماہیتدہ بولنان بر مسئلہ حقنہ بری لہدہ دیکری علیہدہ اولق اوزرہ ، ایکی ہیئت طرفندن اتخاذ اولنان مقرر اتدن — برائت ذمتک اصل اولدیغنی قاعدہ کلیہ سنہجہ — محکمیت قرارینک مرفوعیتی طبیعی بولنش اولدیغنی مطالعہ سیلہ ہیئت عمومیہ نک نظر تصویبنہ عرضنہ متفقاً قرار ویرلدی .

کاتب	مضبوطہ محرری	استدعا انجمنی ریڈی
موش مبعوثی	قیصری	ار ضروم مبعوثی
عبدالغنی	حین امضادہ بولندی	مصطفی طوراق
اعضا	اعضا	
کنغری		أسعد
یوسف ضیا		

رئیس — افندم ! مضبوطہ حقنہ مطالعہ بیان ایدہ جک

وارمی ؟ (خا برصدلری)

جلال بك (كنج) — رئيس بك! مضبطه صر محدر .
رئيس — مساعده بويورك بك افندى ! زير قائم مقامى
رفيق بك حقه منى حكمتك رفعنه دائر اولان شو مضبطه ي
قبول ايدنلر لطفاً ال قالد يرسون ! استدعا انجمنى مضبطه سى
قبول ايدلشدر .

افندم ! اينه بولى نفوس مأمورى حسين عونى
افنديك عفودن استفاده ايدنه جگنه دائر عدليه انجمنى
مضبطه سى وار . اونى اوقويه جغز . لطفاً ديكله لم .

عدليه انجمنى مضبطه سى

تبديلاً تصحيح سن شكلنده نفوس تذكرة سى اعطاسيله
وظيفة مأموريتى سوء استعمال ايلدينى ادعاسيله استقلال
محكمه سنجه محكوم اولدينى آلتى آى حبس و مؤيداً
مأموريتدن محروميت جزاسنك عفونى مسترحم اينه بولى
حبسخانه سنده محبوس قضاي مذكور نفوس مأمور سابقى
مفتى زاده حسين عونى اعضاءيله تقديم اولنان ۲۲ ايلول
۳۷ تاريخلى عرض حال ايله حكم واقعتك عفو قانونه درجه
مناسبتك تفسيرى لزومى متضمن استدعا انجمنك ۱۴
نومرولى ۱۹ كانون ثانى ۳۸ تاريخلى مضبطه سى و بوكا

متفرع قسطنطينى استقلال محكمه سنك اساس ۳۷ قرا
نومرو و ۶ - ۹ - ۳۳۷ تاريخلى ققرة حكيميه سى
صورت مصدقه سى براى تدقيق هيئت عموميه دن
انجمنه حواله بويور لقله تدقيق و مطالعه و ايجابى تأمل
اولندي . استقلال محكمه لرى مقرراتك قطعيتنه بناءً
حكم مذكورك اساس و اصول نقطه سندن تدقيقه جواز
و صلاحيت قانونيه اولنادينى تقرر ايندكدن صكره عفو
قانونندن استفاده ، عدم استفاده ايماله نظر اولندوقده
خيانت و ظنيه مجرم لردن بر قسمنك عفولرينه دائر اولان
قانونك تفسيرى متضمن هيئت عموميه نك قبولنه مقارن
عدليه انجمنك ۱۶ شباط ۳۳۸ تاريخلى مضبطه سنده
[عفوقانونك استقلال محاكمه مودوع وظائفدن عسكر

فراريلرينه تعلق ايدندن ماعداسنى « خيانت و ظنيه »
تعبيرينك دائره شمولى داخلنده جمع ايلش اولدينى]
تفسيراً تثبيت ايدلش و شوخالده مستدعى مومى اليك
مايه المحكوميت اولان حرمت نابته سنك خيانت و ظنيه

جرائمندن معدوديتى ايجابات تفسيريه دن بولمش و لى النظر
محكوميت واقعه عفو قانونك برنجى ماده سنده تعداد
اولنان مستثنيات مياننده داخل اولمايوب عفوك دائره
شمول و احتواسنده كورلمش اولديغندن ، ذاتا مفسر اولان
بر ماده نك باشقه جه تفسيرينه محل اولمايى و بناءً عليه ؛
مستدعينك عفو واقعدن مستفيد اولدينى تسيب ايدلش
اولقله برابر تصويب هيئت عموميه عرض و تقديمه قرار
ويرلدى .

اعضا	كاتب	رئيس نامه مضبطه محررى
قره حصار شرقى	قير شهر	قير شهر
وصفى	صادق	
اعضا	اعضا	اعضا
مرعش	سعد	قصرى
حسيب	مصطفى صبرى	ثابت
		ديار بكر

اعضا
قره حصار صاحب
حاجى مصطفى افندى (آقره) — مجلس اشغال
ايديليور . هپسى بردن اولسه ، دها اى اولور .
على جنانى بك (غازى عيتاب) — رئيس بك !
كونده بش دانه سى كليور . هپسى بردن اولسه ، دها اى
اولمازى ؟

رئيس — افندم ! مضبطه حقه منده بيان مطالعه ايدنه .
جك وارمى ؟ بيان مطالعه ايدنه جك بوق . عدليه انجمنك
مضبطه سى بو حسين عونى افنديك عفو قانونندن استفا
ده سنه دائر در . عدليه انجمنك مضبطه سى قبول ايدنلر
لطفاً ال قالد يرسون ! قبول ايدلشدر .

افندم ! بتليس بدایت محكمه سنجه اعدامه محكوم عثمان
اوغلى فرمان ورفقاسى حقه منده كى حكمتك رفاعيله اوراقل
عدليه وكالته افاضه سنه دائر عدليه انجمنى مضبطه سى وار .
اونى اوقويه جغز .

عدليه انجمنى مضبطه سى
خيانت و ظنيه جرمندن دولاي بتليس بدایت محكمه .
سنجه اعدامه محكوم عثمان اوغلى فرمان ورفقاسى حقه منده كى
اوراق حكيميه نك تدقيقه دائر امور عدليه وكالنتك
۱۳/۴ نومرولو ۱۱ ايلول ۳۳۸ تاريخلى مع تفرعات هيئت
۴۲۸

عمومیه دن انجمنزه محول تذکرسی و تفرعاتی تدقیق و مطالعه ابدیابرهک ، مرقوم فرمان ورفقاسنک درجات متفاوتده اعدامه واون بش سنه ویدی بیچی سنه کوره که و حقوق مدینه دن اسقاطه محکوم اولدقلری محکمه مذکورده دن صادر اولان دوسیه ۳۸ - ۴۹ قرار ۴۳ نومرونی سا ۱۲ آغستوس ۱۳۳۸ تاریخلی اعلام محتویاتسندن نمایان اولمله ایجابی لدی الامل محکمه - مذکورده جه افعال مستنده کرچه خیانت وطنیه وضعیله توصیف اولمش ایسه ده خیانت وطنیه جرمنک صورت ترکیبی قانون مخصوصی تعریف و تثبیت ایش اولوب فقره حکمییه و مندرجات اعلامه نظراً ، امن و انضباط داخلینی اخلال و اهالی بی اضرار و یوجلیاره ایراث دست خسارله توصیف اولنان و فی الحقیقه ماعدا وصف ایله قابل توصیف کوریلدمین افعال مذکورده فاعلارینک مفرزه یه قارشو سلاح آتدقلری ائنده مجرد (حکومت یوقدر ، بزسزی طانیورز . آج حکومت مأمورلری) یولنده تقوهاتده بولملری اساساً فعلاً و توصیفاً تعین ایدن مقاصد عادیه لری تغییر و خیانت وطنیه جرمنی ترکیب و تشکیل ماهیتنی غیر جائز کورلمش و تقوهات ماهیتده (آج حکومت مأمورلری) کلانک مدلولی ده حکومت حاضره بی طانیقندن عبارت اولوق اعتباریله مقاصد عادیه لری تأیید ایش و حکومتلره قارشو تقوهات لسانیه ده بولنلمسی و قطع طریق و اخذ و عصب صورتلریله اجرای شقاوت اولمش و تعقیب مفرزه سنه قارشو سلاح استعمال قیلنلمسی کی ، افعال عمده مساعیسی و طنک سلامت و سعادتته مطوف اولان حکومت ، شخصیت معنویه سنی و شخصیت معنویه بی ترکیب ایدن شخصیت مادیه بی دیگر سعادت وطنیه عواملندن اولان حقوق عامه بی سلب ایلمک ملابسسه سیله وطنه محبت مفهومیله ناقابل تألیف اولمله برابر تقلاب حکومت معنای مهمنه موضوع و مصروف خیانت وطنیه جرمنی تشکیل ایدن افعالدن غیر معدود و ارباب شقاوتک تعقیب تعقیب قصدیله هر درلو مدافعانه تصدی و توسل ایله جکلری ده امر بدید بولمش و بوقیل جرائم عادیه محاکماتنک طرق فوق العاده و قضایه دن یوریمکه قانون مخصوصه مآذون قیلنن و اساساً جنایت محکمه سی شکل و ماهیتده بدایت محکمه سنک فصل و رؤیتی ، مظنون

علیهک مقدس اولان حقوق مدافه دن و تابع اولدقلری اصول محاکمه دن و درجات محاکم دن مجرمیتلری استلزام و انتاج ایتمک کی حق و عدلک مابه الثبوت و الحصول اولان درجات محاکم و هر فردک حاکم قانونیسی حضورنده لزوم محاکمه سی احکام اساسیه سیله منافاة کلیه تشکیل ایلیه جکی غیر قابل رد و جرح برحقیقت بارزه تاقی اولمش اولدیفندن حکم مذکورک وظیفه نقطه سنندن رفغنه و محاکم عائدۀ نظامیه سنده علی الاصول و علی الماده اجرای محاکمه لری ضمنتده اوراق دعواسنک محلی استیناف مدعی عمومیلکه تسیمار اولمشق اوزره امور عدلیه و کالنته اعاده تودیفغه قرار ویرلمش اولمله هیئت عمومیه نک نظر تصدیق و تصویبیه عرض و تقدیم اولنور .

رئیس نامنه مضبطه بحرری	کاتب	اعضا
قیرشهر	قیرشهر	قره حصار شرقی
مفید	صادق	وصفی
اعضا	کاتب	اعضا
دیاربکر	قیصری	سعد
	نابت	
اعضا	اعضا	
مرعش	قره حصار	
حسیب		

رئیس — افندم ! مضبطه حقنده مطالعه واری ؟
 (موافق صدالری) عدلیه انجمنک مضبطه سنی قبول ایدنلر لطفآل قالدیرسون ! قبول ایدلمشدر افندم !
 افندم ! محمد اوغلی کرد حسین چاوشک خیانت وطنیه جرمندن دولایی محکومیتنک رفغنه دائر عدلیه انجمنی مضبطه سی وار . اونی او قویه جغز .
 عدلیه انجمنی مضبطه سی

عمرانیه حادثه عصیانیه سنندن دولایی مظنون محمد اوغلی کرد حسین چاوشک مؤبداً کوره که وضعه و عفو قانونه توفیقاً جزای واقمک اوز بش سنه کوره که نخویلمنه دائر سیواس مرکز بدایت محکمه سنندن صادر اولان حکمک تدقیقی متضمن هیئت عمومیه دن انجمنزه محول عدلیه و کالنتک ۹۳/۳۶ نومرو و ۲۱/۳۸ آغستوس ۳۳۸ تاریخلی تذکره سنه مربوط اوراق حکمییه مطالعه و تدقیق اولندی .

فقرة حکمیہ نك خلاصہ سی: كرك حرکات عصیانیدہ
 و كرك قتل فعللرنده رأی و قوماندا صاحبی اولمادیغنان
 و محل فسادده طوتلش كساندن بولمادیغندن بخت اولنان
 مرقوم كرد حسین چاوشك عصیان و قتله فرعاً ذی مدخل
 اولسی حقدده سبب شدت عد اولنه رق غصب و سرقتدن
 دولای قانون جزانك ایکی یوز اون بدنیجی ماده سی
 موجبجه مؤبداً كوره كه وضعنه و فقط ، اولبایدہ کی
 عفو قانونندن مستفید اولسنه كوره، قانون مذ كورك
 برنجی ماده سی موجبجه مذ كور مؤبد كوره ك جزاسنك
 اون بش سنه كوره كه تحویلنه قرار ویرلدیكندن عبارت
 اولدیغی آكلا سلمقله ایجابی بالتأمل ؛ خیانت وطنیه
 جرمنده فرعاً ذی مدخل اولانلرك جزاسنی تعیین ایدن
 خیانت وطنیه قانوننك ایکنجی ماده سنك معطوف علمی
 اولان قانون جزانك قرق بشنجی ماده سنده کی اساسادن
 هیچ بریسنك وجودی تعیین ایتدیگی و فرعاً ذی مدخل
 اولدیغنه دائر اوراق حکمیهدده اسباب و دلائل سرد و
 و اتیان اولمادیغی حالده عصیانك دائره شمول واحتموا-
 سندن خارج و بر فکر اختلال و عصیانہ مبتی اولمقسزین
 حادثه عصیانیدده کی هرج و مرجدن بالاستفاده منفعت
 خسیسه ذاتیه تأمین مقصدینه ابتداء ارتکاب اولمش بر
 جرم ایچون خیانت وطنیه قانوننه توفیقاً جزا ویرلسی
 خارج از وظیفه كورولمش و اصول محاکمات جزائیہ
 قانوننك محکومینه بخش ایش اولدیغی حقوقدن محرومیتی
 انتاج ایش اولمقله اصلاً و اصولاً پاییلان تطبیقات مخالف
 قانون كورولدیكندن حادثه عصیانیدده ایقاع ایتدیگی
 غصب و سرقت فعللندن و بوفعله تداخل ایتدیریلان
 حرکت عصیانیدده و قتل عادیده فرعاً ذی مدخل اولمق
 فعللرندن دولای اعظم جرم اعتباریله ویریلان جزانك
 رفعلیه عادیه قتلده فرعاً ذی مدخل اولمق و سرقت
 فعللرندن دولای حقدده تعقیبات قانونیه به دوام اولمق
 اوزره، اوراق محلی مدعی عمومیلکنه تسیاری ایچون
 عدلیه وکالتنه اعاده سی بالتصویب هیئت عمومیه نك نظر

تصدیقنه عرضنه متفقاً قرار ویرلدی .

اعضا کاتب مضبطه محرری عدلیه انجمنی رئیس
 سرعش قیرشهر قیرشهر جانیک
 حسینب صادق امین

اعضا اعضا
 ایچایل قره حصار شرقی
 علی وصفی

رئیس — اقدم! مضبطه حقدده مطالعه بیان ایدہ كج
 وارمی ؟ (خایرسلری) عدلیه انجمنی مضبطه سی قبول
 ایدنر لطفاً ال قالدیرسون ! قبول ایدلمشدر .
 اقدم! ارضروم مبعوثی طور اقبك اقدینك بر تقریری
 وار. اونى او قوتدیره جقم. دیکلیه لم .

ریاست جلیلیه

شفاهاً عرض ایتدیكم وجهله حرب عمومیده معلول
 اولوب بعض اسباب مجبره و مشروعده دولایسیله ، استانبولده
 قالب بالآخره آناطولییه کله یلمش اولان معلوللر
 حقدده تحقیقات اجرا سیله بوکیلرك تراکده قالمش اولان
 معاشرلرنك تسویه سنك تحت قراره آلمنی تکلیف ایلرم .

ارضروم مبعوثی

مصطفی طور اقب

مالیه وکیلی حسن فهمی بك — ۳۳۷ سنه سی شباطی
 نهایتده قبول ایدیلن آوانس قانوننه علاوه بووریلان
 بر ماده قانونیه ایله تورکیا بو یوک ملت مجلسی طرفندن
 بالفعل اداره ایدیلن مناطق خارجنده متقاعدینك تقاعدیه
 معاشرلری قطع ایدلمشدر دینوردی . اوندن صکره
 استانبولدن و یا خود باشقه محللردن کلن متقاعدینه ،
 وغیر معلول اولسون ؛ بالطبع متقاعد معاشی ویرلیور .
 بناء علیه ؛ ماده مطلق اولدیغنه كوره ؛ معلول اولانلرك
 استثناء ، معاشرلرنك ویرلسی ممکنیمیدر ؟ ممکن ایسه
 ویرلسی یولنده تفسیراً ، مالیه وکالتنه مأذونیت ویرلسنه
 دائر ، بوندن بر قاچ آی اول بر تذکره تقدیم ایدلمشدی .
 ظن ایدرم ، انجمنلرك بریسنده در . ماده نك تفسیری
 اولدیغنه كوره ؛ یا او تفسیری بولوب تدقیق و مذاکره
 ایتمک و یا خود او ماده به بر ذیل یا به رق معلولیتی استثناء

ایتم لازم کلیر . اداری برقرار ایله مطلق اولان بر ماده قانونیه تغییر ایدیه من . معروضاتم شکه عا ندر . بناء علیه ، او تفسیری بولم . بوندن صکره کی جلسده او تفسیری مذا کره ایدم . دها دوغری اولور .

طوراق بك (ارضوم) — مالیه وکیلی بك افندینک سویلدکاری بنده کزده قبول ایدیورم . فقط ؛ مستعجلاً مذا کره ایدلسون . بونی هیئت جلیله دن رجاییدیورم . رئیس — افندم ! تفسیر بوللسون ، روزنامه یه آلتسون ، او زمان مذا کره ایدیلیر . مستعجلاً روزنا- مه یه آله م .

طوراق بك (ارضوم) — چوق رجاییدیورم ، بونلر آج بیعلاجدر . چوق مقدور اولمشلردر ، سورو- نیورلر . بر آن اول انتاج ایدم .

رئیس — افندم ! بوتقریرده او تفسیره برابر مذا کره اولتق اوزره حفظ اولنیور .

زینت اشیا سنک منع دضولی حقنده کی قانونک الفاسنه دأر لایحه قانونیه نك مذا کره سی :

— افندم ! موازنه مالیه انجمنی رئیسی علی جنانی بلك بر تقریری وار . اونی او قویه جغز :

زینت اشیا سنک منع ادخاله دأر ۷ مایس ۱۳۳۷ تاریخلو قانونک الفاسنه دأر ، لایحه قانونیه ایله موازنه انجمنی مضبطه سنک اهمیت و مستعجلیته مبنی ، بوکون مذا کره سی تکلیف ایلم . ۱۱ تشرین اول ۳۸ موازنه مالیه انجمنی

ریاست جلیله یه

رئیس — افندم ! تقریر مندرجاتی آکلاشیلدی . تکلیف ایدیلان لایحه قانونیه نك بوکون مستعجلاً مذا کره ایدلسنی قبول ایدنلر لطفاً ال قالدیرسون ! قبول ایدلشدر .

علی جنانی بك (موازنه مالیه انجمنی رئیسی) — افندم !

۷ مایس ۳۳۷ تاریخنده نشر ایدیلان زینت اشیا سنک منع دضولی حقنده کی قانون ایله زینت اشیا سنک

مقید افندی (قیرشهر) — موازنه مالیه انجمنجه تکلیف اولنوب بوکون مستعجلیته مذا کره سی قبول اولنان قانونک هیئت عمومی سه نظر دقت ایلیرنی جلب ایله برابر ، برده بوندن اول یایدیغمز زینت اشیا سنک منع

رئیس علی جنانی

مقید افندی (قیرشهر) — موازنه مالیه انجمنجه تکلیف اولنوب بوکون مستعجلیته مذا کره سی قبول اولنان قانونک هیئت عمومی سه نظر دقت ایلیرنی جلب ایله برابر ، برده بوندن اول یایدیغمز زینت اشیا سنک منع

دخولی حقنده کی قانون حقنده اولان اسباب موجهی بی
 کوزدن کچیر رساک اولا بو قانونک مروجی و بو قانونک
 تطبیقی شداته ایستین مالیه وکیل محترمی حسن فهمی
 بک افندی بو خصوصده آری لیسته لرده یامش و بونک
 تطبیقی مجلس عالیده شدتلی ادعا ایتش و اسباب موجه
 اوله رق ، ده مملکتده پاره نک آزلمسنی ایلری سورمشدی
 و آورو پانک بو کبی قطعاً و قاطباً مملکتده کیرمه سنده
 هیج بر فائده اولمایان ، صرف زینتدن ، سوسدن ، دها
 دوضعیسی سفاهتدن عبارت بولنان اشیا سنک مملکتده
 کیرمه سی صورتیله مملکتک النده کی پاره لره کچیمه سنی
 منع ایتک ایچون ، یایدیغمز شو قانونک مع التأسف هیج
 بر نمره سنی اقتطاف ایتدن بو کون عکسنه ، بر اسباب
 موجه ایله بونک لغوی ، رفعی طلب اولتیور ، که : بونک
 رفیله اولجه موقع مرعیتده اولان قانونه بو کونکی
 اسباب موجه آراسنده کی تناقضلری ناصل رفع ایده جکز ؟
 بونی دوشونیورم . کوردیکمز اسباب موجهده بونک
 لغوی ؛ یایدیغمز قانونک تطبیق ایدیله مه مسندن نشئت
 ایتدیکی کوریلدیور و رفعی ایستیلدیور . بنده کز موازنه
 مالیه انجمنک ، موضوع اولان بر قانونک تطبیق ایدیله مه .
 مسندن دولای رفعی ایستیمی قدر چوروک و غیر معقول
 بر اسباب موجه تصور ایدیم . بو کرسیده بو قانونک
 لغوی صرف تطبیق ایدیله مدیکندن ، ممنوع اولان اشیا
 قاچاقچیلغنک منع ایدیله مه مسندن دولای مملکتده داخل
 اولدیغندن قالدیرلمسنی ایسته مک ، بوتون گمرک مأمورلرینک
 وظیفه لرینی سوء استعمال ایتدکلرینی قبول و اقرار ایتک
 دیمکدر ، که : اونلرک هپسنی عزل ایتک لازم کاور . بناءً علیه ؛
 بو قانون پایلیر واورته یه قونورکن ، مملکتده موجود
 ومدخر اولان زینت اشیا سی اوزرینسه برده نه تیکت
 یایدشدرلمسی تکلیف ایدلمش و اوده قانونه درج ایدلمشدی .
 او وقت بونی ده بز ادعا ایتش ایدک ، که : موجود اولان اشیا
 اوزرینسه نه تیکت وضع ایدرک قانون تطبیق ایدیله مز ،
 امکانی یوقدر . بویا نه تیکت یایمق صورتیله ایشی ده تعویق
 ایتمه ییکز . بز هیئت علیه کزک اکثریتک قرارینه بویون بو مک
 مجبوریتده بولندیغمز دن دولای مجلس عالی ک اکثریتک

قبول ایتدیکنی قبول ایتدک . فقط ؛ او قبول ایدلیدیکی
 ونشر ایدلیدیکی کوندن بری ، شمعی یه قدر مملکتک
 هیج بر طرفنده بر نه تیکت یایدشدرلمدی و مملکتک هر
 طرفنده لوکس اشیا مقدراری آرتدی و بر نقطه ده
 اکیلمه دی . مملکتده نه قدر مدخر لوکس اشیا وارمش ، که !
 دها اون بش سنه کچسه و بو قانون موجود اولسه ، بلکه
 بو اشیا توکنمیه جک . یوز سنه دها کچسه یه توکنمیه جکدر .
 حتی ، کچنلرده بر مسئله نک مذاکره سی ائناسنده ،
 گمرکلردن کچن قاچاق اشیا نک عفوینه دأر اولان قانونک
 مذاکره سی ائناسنده ، بونی بنده کز عرض ایتشدم .
 مالیه وکیل محترمی بوراده بر جواب ویرمشدی . فقط
 بنده کز دییورم که : اقدیلر ! مملکتک پاره سنک چیمه سنه
 ناصل موافقت ایده جکسکز ؟ مملکتده موجود فقرانک
 النده بولنان پاره یی اوندن ، شوندن ، بوندن اییکلی شکنده ،
 لوکس اشیا اوله رق یایلمش اشیا ره ویرمه و بو پاره لری
 مملکتدن چیقارمغه ناصل راضی اوله جکسکز ؟ مملکتده کی
 پاره نک چیمه مسی ایچون ، بو قانونک حسن صورته
 تطبیق ایجاب ایدر و بونک تطبیقاتنک تقویه ایدلمسی
 لازم کور . بوندن دولای اکر مأمورلر وظیفه لرینی ایفا
 ایتور دییه بو قانونی قالدیره جق اولورسه ق ، بنده کز
 منع مسکرات قانونتی ده قالدیره لم دییورم . اقدیلر !
 او قانونک ده رفعی لازم کور . تکلیفک اسبابی عرض
 ایدیم . ناصل که مجلس عالی منع مسکرات قانونک رفعه
 طرفدار دکسه و ناصل که وظیفه لرینی ایفا ایتمین مأمورلر
 حقنده لازم کلن تعقیبات قانونیه یی ایفایه طرفدار ایسه
 بو قانونده ضرر خصوصنده اونک عیندر . هیئت
 عمومیه سیله ردینی طلب ایدرم .
 مالیه وکیل حسن فهمی بک (کشخانه) — استقلال
 مجادله سنده مقاومت اقتصادی یی تأمین ایچون ، ۳۶ سنه سنده
 تکلیف ایدیلوب ده ۳۷ سنه سنه قدر اوزون بر مدت
 انجمنلرده قالدقن صکره ، ۳۳۷ سنه سی ابتداسنده مجلس
 عالی ک تصدیقنه اقراران ایدن بو قانون ایکی قسمی احتوا ایدیلدیور .
 بری ؛ منسو جانک لوکس اولان قسمنه حانددر . دیکری ، حبوباته
 حاند اولان قسمدر . یعنی (د) و (ب) جدولاری نامی آلتده

تدوین ایدیلن بوقانون، بنده کز کمال قطعیتیه ادعا ایدرم، که: مملکتک مقاومت اقتصادی سنی تأمین خصوصند اعظمی تأثیرینی کوستر مشدر. بونک مادی دلیلاری بر کره خارجدن مملکته کیرن و بوتون سواحل اهالیسی طرفندن صرف واستهلاک اولنان اونلرک ادخالنی منع ایتش و بو صورتله مملکتک چفتجیسنه یاردیم ایتمشدر. صکره، یالکز اعشار اوزرینه ۲ میلیون لیرا اجرای تأثیر ایتمشدر. قانونده مذکور اشیا اوزرینه نه تیکت وضعی خصوصاتی بالطبع کچمش زمانه عائددر. بونلردن بحث ایتیه جکم. یاپلیدی، یاپلادی می؟ بونلر همیزک معلومزدر. فقط؛ افدیلر! رسومات بودجه سی مذاکره ایدیلرکن بالمناصبه عرض ایتدم، که: بر قول اردو تشکیلاتی قدر رسومات تشکیلاتنه مالک بولنان مملکتلرده بیله تام و کامل اوله رق کمرک قاچاقچیلغی منع ایدیله مامشدر. هیچ بر زمان ادعا ایدیله مز، که: مملکته کیرن تکمیل اشیا کمرک قائلندن کچر. بو، دنیانک هیچ بر طرفنده کورولمش بر مسئله دکلددر. فقط، مفید افندی حضرتلرینک - بالطبع قناعت اوله رق، دکل - بوقانون تأثیرینی کوستر میورسه کمرک مأمورلردن شبهه ایتکلکمز لازم کلیر، هر حالده کمرکلردن قاچاق اشیا کچبور یولنده می، مطالعه لرینه بنده کز اشتراک ایتبورم. ینه رسومات بودجه سی مذاکره ایدیلرکن کذلک مجلس عالی کزه عرض ایتمشدم، که: محافظه تشکیلاتی و مأمورلرک مماشاتنه پایلان اوافق ضامنی قبول بویورورسه کز، وارداتمز صورت قطعیه ده ترایدایده. جکدر. بونی صورت قطعیه ده تأمین ایدر وسزه سوز ویریم... فی الحقیقه؛ بوسنه نک برنجی آلتی آینه عائد اولان وارداتمز، سنه سابق آلتی آینه عائد اولان وارداتندن، افدیلر، ایکی بچق میلیون لیرا فضلهدر. استخلاص ایدیلن یرلر عائد رسوم وسأره بونده داخل دکلددر. آغستوس نهایته قدر اولان حسابله عرض ایدیورم. کمرک مأمورلری وظیفه لرینی تمامیله ایفایدیورلر. فقط؛ مملکتک جنوبنده غیر طبیعی اولان و بیکیلرجه کیلومترله بالغ اولان چول حدودلری، ایران حدودلری، صکره، دکز حدودلری - حال حرب

دولایسیله دکزلرده غانبوط، سفینه کچی، مراکب صغیره بخریه کز دیره مهمک مسئله سی آره صیره هجری محللردن قاچاقچیلغنه میدان ویریبور ویرمکده در. بونلری تأمین ایدیه بیلیمک مطلقا دکزلرده سر بست اوله رق ضابطه مزنی تأسیس ایتکلکه ممکندر. فقط، تقدیر بویورورسکزه، که: حال سکونت عودت ایتدیجه دکزده ضابطه مزنی منتظم صورتده تأسیس ایتک امکانی یوقدر. حافظ محمد بک (طربزون) - کمرکدن، کچبور کمرکدن.

مالیه وکیلی حسن فهمی بک - مساعده بویورک! حافظ محمد بک! بو تکلیف موازنه مالیه انجمنندن گلش بر تکلیفدر. بوندن ایکی آی اول، مجلس عالی بونی روزنامه سنه آله رق، مذاکره سنه ابتدار ایتمشکن بنده کز خارجی بر مسئله نک مذاکره سی دولایسیله بونک شمذیلک تأخیری لزومی عرض ایتمشدم. در خاطر بویورورسکزه او مذاکره ده انتاج ایدلش بر قانونی بو کون مذاکره ده بر مانع ومحدور یوقدر. تکلیف، مالیه وکالتندن کلمه مشدر. موازنه انجمنندن گلشدر. مالیه وکیلی اوزمان یالکز مذاکره نک تأخیرینی تکلیف و طلب ایتش و مجلس عالی ده قبول ایتشیدی. شمذدی مجلس عالی بوقانونی مذاکره ایدر. تأخیری ایچون بر سبب یوقدر. قبول وعدم قبولی جهته کلنجه، بنده کز بو خصوصده عرض ایدرم، که: مملکت مقاومت اقتصادی خصوصنده، لازم کلن فائده نی کورمشدر. بوندن صکره حدود لر مرکز وسعتنه و دوزیریدن دوزیری به مناسبات و معاملات عمومیّه تجاریه به کیره جکمز دوره نک حلول ایتدیکنه کوره و ذاتاً بوقانونک حال حربه مخصوص بر قانون اولسنه نظراً، تمادیسنده بر ضرورت کور میورم. مع مافی؛ مجلس عالی مطلقا قالسون دیرسه بالطبع قایلر. مملکته کیرن اشیا نک صورت ادخالرینه کلنجه: بعض آرقدا شلرک خاطرینه کلدیکی کچی، قاچاق اشیا کمرکلردن دکل، بلکه باشقه صورتله، باشقه واسطه لرله کیور.

محمد شکری (قره حصار صاحب) - ندر؟ ایضاح ایدیکز.

مالیه وکیلی حسن فهمی بک - افندم! بونلر

عائد مسائلی کورمک آرزو بویورانلر لطفاً کمرک دائرہ سنہ
 قدر ، رجا ایدرم ، تشریف بویورسونلر ! دوسیه لری
 کورہ جکلردر . مع هذا ؛ بوکونکی وضعیت عمومیہ من
 اوکادہ نہایت ویرمشدر . چونکہ ؛ آرتق ایجاب واقفنا
 قائمہ مشدر . صکرہ در خاطر بویوریلور ، کہ ؛ بروسہ عائد
 ثابت مهم ایسکیلر مزو واردر . از میر ، بوتون آناطولینک تجارت
 اسکاسی اولمق اعتباریہ ، بوکون از میردہ موجود اولان
 بو عمومیہ اشیاہی یکی باشند تحریر وتبیت ایسہک ، نایتیکت
 وضع ایسہک ، قانون احکامی جاریدر دیسک و مملکتہ دہ
 بو نوع اشیا کیرمسہ ، اورادہ موجود اولان لوکس اشیا
 بو مملکت ایچون ؛ برسہ کیفیت ایدر . بو اعتبارلہ ،
 بو عمومیہ بزہ مادی برشی تأمین ایتمز . انجمن تکلیفندہ
 دیور ، کہ ؛ بونی عمومی تعریفہ تابع طومیمہم . ذاتاً
 « ب » جدولی احکامی قالہ جقدر . « س » جدولندہ کی
 عمومیہ « ب » جدولندہ کی احکامہ تابع طوتولمق صورتیہ
 یعنی اون بش منلی اوزرندن رسم المقلہ ، دوغریدن
 دوغری بہ دکل ، فضلہ رسم المقلہ ، عمومیہ تأمین
 ایتمش اولیوروز . فقط ؛ زینت اشیا ساندہ ۱۵ مثل رسم
 بدل اصلیسنہ معادل و بیلکہ % ۵۰ دن سکسانہ قدر بدل
 اصلیسنہ تقابل ایدن بورسم ذاتاً اونک مقدارینی تحدید
 ایدہ جکلدر . کمرک قانونی موجبہ کمرکلردہ ہیچ
 معاملہ یا بیلمیور ، تماماً سربست کچور دیہ وقوعبولان
 اعتراضلرہ جواب اولمق اوزرہ ، عرض ایدیورم .
 بوکون ۲۰ ، ۲۵ مسئلہ واردر . بر قسمی محکمہ لہ انتقال
 ایتمش ، بر قسمی کمرکلردہ ہنوز حل و فصل
 ایدمک اوزرہ بولنمشدر ، کہ ؛ بونلر مصادرہ ایدیش
 و بونلر اوج ، درت آی ظرفندہ بالخاصہ تشکیلات
 یابیلدقن صکرہ ، وجودہ کلش مسائدر . فقط ؛ آناطولی
 ایلہ استانبول آرہ ساندہ مناسبات تجارتیہ نکہر کوزہ واسطہ
 ایلہ تأمین ایدیلہ بیلمسی ، بالخاصہ لوکس اشیا نکہ بولجیلرک
 باووللرندہ ، اشیاہی ذاتیہ لری آرہ ساندہ ، جیلرندہ و تی
 کمرک قانونی موجبہ تحریر ایدلمسی لازم کلیمان جیب
 چانظہ لرنده ، ال چانظہ لرنده و اوزر لرنده کچمک صورتیہ
 مملکت مزہ ادخال ایدلمدہ در . چونکہ ؛ آوروپادن

دوغریدن دوغری بہ یوک باغسلانوب کلیور ، کہ ؛ بونک
 عمومیہ سہولتہ قابل اولہ بیلسون . بونک امکانی بو قدر .
 استانبول کی آناطولینک بر محلہ سی قدر یقین اولان
 بر محلدن اشیاہی عمومیہ شو ویا بو صورتہ نقل ایتمکدہ
 سہولت واردر . بو عمومیہ تمامیہ ایتدیرمکدہ عظیم
 مشکلات واردر . بناءً علیہ ، تقدیر ہیئت علیہ کزہ
 عائددر . چونکہ تکلیفک اصلی موازنہ مالیہ انجمنندن
 کلشدر . (قابل تطبیق دکل صداری)
 رئیس — اقدم ! مذاکرہ دوام ایدہ جک . فقط ؛
 استقلال محکمہ سی آراسنک تصنیفی نتیجہ سی عرض
 ایدیورم . رأیہ اشتراک ایدن (۱۶۷) در ؛ یعنی اکثریت
 واردر . ریاست ایچون ، امین بک جانیک ۲۹ ، حیدر
 بک ایچ ایل ۱۵ ، فتحی بک استانبول ۷ ، یونس نادری
 بک از میر ۵ ، عبدالقادر کلی بک قسطہ ونی ۲ رأی المشرلدر .
 چونکہ ؛ ۹۴ مستتکف واردر .
 عمر لطفی بک (آماسیہ) — آرتق رد ایدلش دیمکدر .
 موضوع بحث ایدلمسی دوغری و موافق دکلدر . کاغذلرہ
 ایستمیوروز دیہ می یازسونلر ؛ ایستہ رأیلرینی احساس
 ایدیورلر .
 رئیس — مدعی عمومی بہ کلنچہ ؛ امین بک جانیک
 ۲۰ ، حق حامی بک سینوب ۱۰ ، صدیقی بک ملاطیہ ۸ ،
 حمدی بک آماسیہ ۶ ، محمود اسمد بک از میر ۳ رأی
 المشرلدر . دیمک کہ ؛ انتخاب اولہ مدی . انتخاب تکرار
 اجرا ایدیلہ جکلدر . (خندہ لر)
 طوراق بک (ارضروم) — آکلاشلیور ، کہ ؛ مجلس
 عالی استقلال محکمہ لری تشکیلی آرزو ایتمیور و رأیلرینی
 بو صورتہ ویرہرک احساس ایدیورم . بناءً علیہ ؛ بو قانون
 اسقاط ایدلدی .
 امین بک (ارزنجان) — اقدم ! نتیجہ دہ تعین
 ایدن شکل آرتق مجلس عالیجہ توضیح ایتمشدر . یعنی
 آماسیہ استقلال محکمہ سنک اورادہ بولنسنہ لزوم بو قدر .
 بوکا مجلس عالی قائمدر . بونی تکرار رأیہ قویتمدہ
 اصابت اولہ ماز .
 مظهر مقید بک (حکاری) — عجبا حکومتک فکری
 ندر ؟

تاریخی نوطه ده ، تراکیانک یونان اردوسنک اشغالی و حکومتک اداره سی آلتنده برکون فضله دوام حیاتی ، هرکونا مهالکی و تورکیا خلقی ایچون ، غیر قابل تصویر اضطرابی داعی اولدیغندن ؛ ادرنده داخل اولدیغی حالده ، مریچ غریبه قدر تراکیانک در حال تخلیه سی ایله تورکیا بویوک ملت مجلسی حکومتنه تسلیمی عاجلاً اقتضا ایتکده در . اشبو مستعجل خصوصاتی تقرر ایتدیرمک اوزره ، مدانیه ده متفقین جنرالریله بر قونفرانس عقدی ، دول ائتلافیه نك ارزو و تکلیف لرینه توافقی ایتدیکنندن ، قونفرانسک ۳ تشرین اول ۱۳۳۸ ده مدانیه ده انعقادی تکلیف اولنور . مدانیه قونفرانسنه طرفزدن غرب جبهه سی اردولری قوماندانی عصمت پاشا حضرتلری بالذات مأمور ایدلمشدر . تکلیف مذکور مناسب کورولدیکی تقدیرده ، قونفرانسه مأمور اوله جق جنراللرک تعیین و اشعارینی رجا ایدرم « دینلمشدر . دولتله تکلیفمزی قبول ایتدیله . متفقین جنراللری مدانیه به کلدیله . تشرین اولک اوچندن دون آقشامه قدر مدانیه ده اوچ متفق حکومتک ممثلریله مرخصمن غرب جبهه سی قوماندانی عصمت پاشا آره سنده مذاکرات جریان ایتدی . بومذاکرات ائناسنده تقرر ایدن مقاله ء عسکریه ، اوچ جنرال طرفندن و مستعیناً بالله مرخصمن طرفندن بوصباح ساعت آلتیده امضا ایدلدی . (آله خیرلی ایلسون صدالری) بوبابده عصمت پاشا حضرتلری طرفندن باش قوماندان پاشا حضرتلرینه چکیلان تلغرافنامه ایله مقاله ء عسکریه متنی مجلس عالیکزه عرض ایدیورم .

تلغرافنامه

باش قوماندانلغه

مدانیه مقاله ء عسکریمی ۱۰ تشرین اول ۳۸ ساعت اولده امضا ایدلمشدر . - دینیور بو ۱۱ تشرین اول اوله جق - یونان مرخصنک دول متفقه نامه کوندردیکی مختلف اعتراضلری ایله امضابه صلاحیتدار اولمادیغی شکلنده کی صوک بیاناتی عینابکا ویرلدی و بونی متفکر نامه تبلیغ ایدن جنرال هارینغتون یونان جنرالک صلاحیتی اولمادیغندن امضایده مدیکنی بیلیردیکی یونان حکومتک

أمین بک (ارزنجان) — نه اولورسه اولسون . حق حامی بک (سینوب) — اقدم ! زینت اشیا سنک منع دخولی حقنده کی ، قانون نه قدر کوزل ایدیسه تطبیقاتی ده او قدر مشکلدی ومع الاسف ، اوندن دولایی تطبیق ایدیله مدی . شمدی خاطر عالیکزه دره که : بوقانونک مذاکره سی ایچون ، مجلس عالی برچوق کونلراوغرا - شمشدر . شمدی تکرار قالدیرمق ایچون ، برچوق کونلر اوغراشمقدلسه ، بوخصوصده کی مذاکره نك کفایه سنه قائم . ماده لره کیلسون ؛ موازنه مالیه انجمنتک پامش اولدیغی ماده لری تکلیف دائره سنده ، قبول ایله مسئله حل ایدلسون . چونکه : بوقانون غیر قابل تطبیقدر . عابدین بک (لازستان) — بنده سویلیه یمده صکره ماده لره بکلم .

مدانیه قونفرانسده امضا ایدیلن مقاله نامه عسکری : رئیس — اقدم ! مساعدده بویورک ! خارجیه وکیلی بک افندی مجلسده برشی او قومق ایستور بویورک بک افندی ! سوز سزکدر .

خارجیه وکیلی یوسف کمال بک (قسطنونی) — آرقداشلر ! اوچ متفق حکومتدن ، یعنی فرانسه ، انکلتزه وایتالیاحکومتلرندن آلدیغمز ۲۳ ایلول ۱۹۲۲ تاریخی نوطه ده اوچ متفق حکومت ، یونان قوتلرینی ، اوچ متفق جنراللر ایله تورک و یونان ارکان عسکریه سنت بالائتلاف تئیت ایده جکلری خطه قونفرانسک کشادندن اول چکدیرمک ایچون نفوذلرینی استعمال ایده جکلردر . بومداخله به مقابل ؛ آقره حکومتی ، بی طرف اعلان ایدلمش اولان مناطقه ، نه قونفرانسندن اول ، نه ده قونفرانس ائناسنده قطعات عسکریه کوندرمه میکی ، نه بوغازلری ونه ده مرمره بی کچه میکی تعهد ایده جکلدر . بالاده موضوع بحث اولان خطی تعیین ایچون یامدانیه ده ویاخود ایزمیتده مصطفی کمال پاشا ایله متفق دولتله جنراللری آره سنده همان بر اجتماع وقوعه بیلیردیورلردی . بوکا جواباً : « موسیو بو آقاره به یعنی بونوطه نك مذاکره ایدلدیکی قونفرانسه ریاست ایتش بولنان فرانسه رئیس حکومتی و خارجیه ناظری موسیو بو آقاره به وعین زمانده اوچ متفق حکومتنه تبلیغ ایتدیگمز ۲۹ ایلول ۱۳۳۸

جوابی منفی اولسه دخی مقاوله نامه نك متفكر طرفدن تطبیق اولنه جنی جوابا بیلدی رلدی . مقاوله نامه درت نسخه اوله رق امضا و تعاطی ایدلمشدر . جنرال هارینگتون کیجه یاریسی ایراد ایتدکاری نطقده کوردکاری حسن تسهیل اتدن دولایی ، انکلتزه حکومتی نامه حکومت و باش قوماندان مصطفی کمال پاشا حضرتلرینه تشکراتی افاده ایتمشدر . ایراد ایلدیکی نطقک نهایتده کوردیکی حسن معاملاتدن و سائر دن دولایی ، تشکراتی و شخصمه متعلق جنرال لارک حسیاتی تفصیل ایتدی . طرفدن قیصه برنطق ایراد ایدیلهرک ، متفق جنرال لارنک مسالته واصل اولمق ایچون ، صرف ایتدکاری مساعیدن دولایی ، تورکیا اردولری باش قوماندانی مصطفی کمال پاشا حضرتلری نامه تشکر ایتدم و کندیلرینه وداع ایدرکن ، مدانیه قونفرانسده کچن ایام مساعینک حیاتک الایی خاطر اتندن اولدیغنی افاده ایلدم . شرقی تراکیا و ادرنه نك تورکیا به اعاده سنی دول متفق نك امضا و تعهدینه ربط ایدن مدانیه قونفرانسی ختام بولمشدر .

۳ تشرین اول ۳۳۸ دن اعتباراً دوام ایدن مدانیه قونفرانسی ۱۱ تشرین اول ۳۳۸ ساعت سکزده ختام بولمش و مذکور ساعتده مرخصلر طرفدن امضایلدش اولان مقاوله نامه لر تعاطی ایدلمشدر . یونان جنرالی حکومتدن صلاحیت لازمه آلمادیغنی بیلدی ردیکندن امضا ایتمه مش و تورکیا مرخصی یونانستان حکومتک جوابی منفی اولسه دخی مقاوله نامه نك موقع مرعیته وضع ایدیله جکسی سردا تمش و متفق جنرال لار نامه بویوک بریتانیا مرخصی یونانستان مرخصلرینک امضا ایتمه سنک حائر اهمیت اولمادیغنی و مقاوله نامه ده کی تعیین اولنان مهلتلر ظرفنده موادینی تطبیق ایتدیرمک متفکرله عائد اولدیغنی بیان ایتمشدر . مقاوله نامه صورتی عیناً شودر :

۱۴ - ۱۵ تشرین اول ۳۳۸ دن اعتباراً مقاوله نامه موقع مرعیته قونه جق ، اون بش کون ظرفنده یونانستان اردوسی مریح غربنه چیلیمش بولنه جق و بوندن برآی صکره ده شرقی تراکیا ، ادرنه داخل اولدیغنی حالده ، کاملاً تورکیا بویوک ملت مجلسی حکومتده تسلیمنه قرار ویردکلرندن بو قونفرانسیک غایه سی شوندن عبارتدر .

۱ - یونان قوتلرینک شرقی تراکیان کیریسنه چکیلیمسنه دعوت ایدیله جککری خطی تصریح ایتمک .

۲ - یونان قوای عسکریه سی و اداره ملکیه سنک اشبو اراضی بی صورت تخلیه سیله تورکیا بویوک ملت مجلسی حکومتی مأمورین و ژاندارمه سنک مذکور اراضی به صورت اقامه سنی تعیین ایتمک .

۳ - اشغال دوره سنده بو حوالیده انتظام و امنیت عمومیه نك ادامه سی مقصدیه قونترولی تأمین ایتمک .

مرخصلر نقاط آتیه ده اتحاد ایتمشدر :

۱ - اشبو مقاوله نامه نك موقع مرعیته وضعی تاریخندن اعتباراً تورک و یونان قوای عسکریه لری آرسته ده مخاصمات تعطیل ایدیله جکدر .

۲ - اشبو مقاوله نامه نك موقع مرعیته وضعندن اعتباراً تراکیاده کی یونان قوتلرینک کیریسنه چکیلیمکه دعوت ایدیله جککری خطی ، آطه لر دکزننده کی منصبندن تراکیا ایله بلغارستان حدودینی قطع ایتدیکی نقطه به قدر مریحک صول ساحلی تشکیل ایلر .

۳ - صلح عقیدینه قدر هر درلو اختلاطات ممکنه به مانع اولمق ایچون ، مریحک صاغ ساحلی قره آناج داخل اولمق اوزره دول متفقه قطعاتی طرفندن اشغال ایدیله جک و بو قطعات دول متفقه جه تعیین اولنه جق نقاطه اقامه اولنه جقدر .

۴ - ادرنه حوالیسنه مواصله بی تأمین ایدن خط شعبه سنک سربستی مروری بتمامها ادامه مقصدیه سیویل غراد ، جسر مصطفی پاشان توله لی بورغازه قدر مریحک صاغ ساحلی تعقیب ایدن دیمیر یولی قسمی ، اوچ متفق دولتک تورکیا بویوک ملت مجلسی حکومتک و یونانستانک بر مرخصی محتوی مختلط بر قومیسون طرفندن تحت نظارته آله جقدر . بو نظارت بر مقاوله خصوصیه ایله تنظیم ایدیله جکدر .

۵ - شرقی تراکیانک یونان قطعاتی طرفندن تخلیه سی اشبو مقاوله نامه نك موقع مرعیته وضعندن اعتباراً باشلايه جقدر . بو تخلیه ده بالذات قطعات ، خدمات و تشکیلات مختلفه عسکریه و اونارک وسائل قایه سیته مدخر ، مالزمه حربیه ، جبخانه لر و ارزاق ده پورلی داخلدر .

کیری آله بیلیر .

۱۱ - آناتولیده تورکیا بویوک ملت مجلسی حکومتک قطعاتی آتیده کوستریلن خطلر اوزرنده توقف ایده جکدر بوو خطلری صلح قونفرانسک کشادی ودوامی مدتیجه کچمیه جکدر .

چناق قلعه منطقه سنده لایسی شمالده بوز برون و جنوبنده قوم برونی اساس نقطه لری تشکیل ایتمک اوزره ، آسیا ساحلندن تقریباً اون بش کیلومترو مسافهده برخطی ، ایزمیت شبه جزیره سنده : ایزمیت کورفزنده داریجه دن بحر سیاهده شیلهیه منتهی اولان و ککبوزده دن کچن بر خطدر .

بومواقع تورکیا بویوک ملت مجلسی حکومتنه طأدر . داریجه دن شیلهیه کیدن یولدن تورکیا بویوک ملت مجلسی حکومت قطعاتییه متفقین قطعاتی مشترکاً استفاده ایده بیله جکدر .

بالاده کی خط فاصلار متفق اردولرک هر برندن بر رضابطله بویوک ملت مجلسی حکومتی اردوسندن برضابطدن مرکب اولمق اوزره ، مختلف قومیسونلر طرفندن تحدید ایدیله جکدر . متفق حکومتلرله تورکیا بویوک ملت مجلسی حکومتی هر درلو حادثاتک اوکنی آله حق تدابیر لازمه احتیاطیه توسل ایلمکله برابر ، آتیده کی حوالیده کندی قوتلری مقدارینی تزییده ، تحکیمات یا خود عملیات عسکریه یه تشبث ایتمه کی تعهد ایدرلر .

چناق قلعه حوالیسی ، بوز برون ، قوم برونی خطنک بوغازدن اعتباراً اون بش کیلومترو شرقنده کی بر مسافهیه قدر .

ایزمیت شبه جزیره سنده ، بوغاز ایچندن اعتباراً شیله ، داریجه خطنک قرق کیلومترو شرقنده کی بر مسافهیه قدر .

تورکیا بویوک ملت مجلسی حکومتی بوز برونی (لایسی شمالی) ایله قره برونی (قره بیغانک شمالنده) آره سنده کی ساحلی لاقول اون بش کیلومترو مسافه سنه قدر طولیجی تعبیه ایتمه کی تعهد ایدر .

۱۲ - متفقین قطعاتی حال حاضرده بولندقلری

بوتلیه تقریباً اون بش کون ظرفنده اجرا ایدیله جکدر .
۶ - ژاندارمه داخل اولمق اوزره ، یونان مأمورین ملکیه سی تمکن اولدیغی قدر چابوق چکیله جکدر . هر منطقه بی اداره ایدن یونان مأمورینی چکیله جکه حکومت ملکیه متفقین مأمورینه تودیع ایدیله جک و اولنرده تمکن اولدیغی قدر عین کونده بونی تورک مأمورینه دور و تسلیم ایده جکدر .

بو دور و تسلیم ترا کیانک هیئت عمومیه سی اعتباریله یونان قطعاتی طرفندن تخلیه سنک ختامندن صکره اعظمی اوتوز کون ظرفنده ختام بوله جقدر .

۷ - تورکیا بویوک ملت مجلسی حکومتی مأمورلرینه انتظام وامنیت محلیه نک ادامه سنه قطعاً ضروری اولان مقدارده تورکیا بویوک ملت مجلسی حکومتک ژاندارمه قوتی رفاقت ایده جکدر . بو قوتلرک مجموع بکونی ضابط داخل اولدیغی حالده سکنز بیکی تجاوز ایتمه جکدر .

۸ - یونان قطعاتک کیری چکیلمه حرکاتی و اداره ملکیه نک دور و تسلیمی عملیاتی باشلیجه مراکزده برلشدیریله جک اولان بین المتفقین هیئتلرک اداره سی آتنده وقوع بوله جقدر . بو هیئتلرک وظیفه سی بالاده مذکور کیری چکیلمه و دور و تسلیم عملیاتی تهویه توسط ایتمکدر . بو هیئتلر هر نوع افراطره مانع اولمغه چالیشه جقدر .

۹ - بو هیئتلردن ماعدا شرقی ترا کیانی متفقین قطعاتی اشغال ایده جکدر . تقریباً بدی طابوردن مرکب اولان بو قطعات انتظامک ادامه سی تأمین ایده جکدر و بالاده کی بین المتفقین هیئتلره وطن خدمتی کوره جکدر .
۱۰ - متفقین هیئتلریله قطعاتک کیری چکیلمه سی ،

یونان قطعاتک تخلیه سی ختام بولمق اوتوز کون ظرفنده وقوع بوله جقدر . متفقین حکومتلری انتظامک محافظه سی و تورک اولیان اهالینک حمایه سی ایچون تدابیر کافیه اتخاذ ایلدیکی حقدده ، مطابق قالدقلری تقدیرده بو کیری چکیلمه عملیه سی ده ایقین بر تاریخده وقوع بوله بیلور . بو صورته تورکیا بویوک ملت مجلسی حکومتی اداره سی و ژاندارمه سی منطقه ادارهده منتظماً ایضاً وظیفه ایتمه سی آنده مختلف هیئتلر و قطعات بو منطقه اداره ده ، مقرر اوتوز کونلک مهلتک ختامندن اول

اراضیده قاله جقلردر . بو اراضیه تورکیا بویوک ملت مجلسی حکومتی صلح قونفرانسنک قرارینه قدر رعایت ایتکی تعهد ایدر . اشبو اراضی بوجه آیدر :

استانبول شبه جزیره سنده پدیماک یدی کیلو مترو شمال غربی سنده بحر سیاه اوزرندن بر نقطه ده استرانجه ، مرتکلی ، قیش ، آغیلی ، سینکلی ، قره سنان چفتلیکی ، قاضی کوی ، یکدیجه ، قاله دینا چفتلیکی ، قایقراطیه (بوتون بومواقع داخلدر) خطنک شرقده کائن شبه جزیره نیک بوتون قسمی کلیولی شبه جزیره سنده باقلا برونی ، ساروز برونی ، بولایر و صوغلومه منصبی (بوتون بوقاط داخل) خطنک جنوبنده کائن کلیولی شبه جزیره سنک بوتون قسمی

۱۳ — تورکیا بویوک ملت مجلسی حکومتی صلح معاهده سنک تصدیقته قدر شرقی تراکیایه قطعات نقل ایتهمکی واوراده براردو طولیلامه منی وادامه ایتهمکی تعهد ایدر .

ماده ۱۴ — بومقوله عقب امضاسندن اوچ کون صکره موقع مرعیته کیره جکدر . مدانیه ده فرانسه زجه اوله رق ۱۱ تشرین اول ۱۹۲۲ ده امضا ایدلمشدر .

فرانسه نامنه تورکیا بویوک ملت مجلسی حکومتی نامنه

جنرال	فریق
شارپی	عصمت
یونانستان نامنه	ایتالیا نامنه
..	بویوک بریتانیا نامنه
جنرال	جنرال
مونپللی	هارینغتون

خارجیه وکیلی یوسف کمال بک — آرقداش لر ! بومقوله عسکریه ایله میثاق ملیمزک تماما تحققنه دوغری برآدیم ده آتیلیمش اولیور . جناب حقه بیک شکر ، که : بوندن بر بیجق آی صکره ، ظلم و اشکنجه آلتنده ایکیه یین تراکیا من قورتیله جق ، اوده بویوک ملت مجلسنک اداره سی آلتنه کیره جکدر . اوچ متفق حکومتک بزله صلح قونفرانسنده میثاق ملیمزده کی حقوق و مطالبیزک تمامیه تحقق ایده جکنه دائر ، ویردکاری وعدلرده تحقق ایتک اوزره ، بومقوله عسکریه یی مملکتیمزک منافعه یاپیلیمش بومقوله تلقی ایدیوروز . جناب حق او مطالبیزکده

تحققنی قریباً بزه کوسترمک نصیب ایتسون ! (امین صدالری) تورکیا بویوک ملت مجلسی حکومتی مدانیه قونفرانسنده کوستردیکی صلح پروراکله ، اعتدال پروراکله بردها کندیسنک صاحبه نه قدر عاشق اولدیغنی اثبات ایتدی . شوراسنی بو کرسیدن تکرار سولیکه مجبورم ، که : بوتون بوموقیقات باشده مجلس ، ارکده اردوسی اولدیغنی حالده ماتک بو آنه قدر کوسترمش اولدیغنی عزم و متانتک آیدر . (آلفیشلر) ملت بو عزم متانتی مطالب ملیه سنک ایتحصالنه قدر کوستره جک مطالب ملیه سنی ایتحصال ایتدکن صکره ده خراب اولان شهرلر منک ، عمرانیه پک زیاده محتاج اولان مملکتیمزک اعمارنده کوستره جکدر . جهان مدنیت بو حاللری تماماً کوریور . مدانیه مقاوله عسکریه سیله بردها جهان مدنیت قارشی دیوروز ، که : بزیک مشروع ، پک مقدس حقلر منی ایتحصال ایچون ، اوغراشیوروز . اونلری ایتحصال ایتدکن صکره ، شرقده صلحک — بودفنده اثبات ایتدیکمز و کوستردیکمز وجهله — قوتنه آرز ، چوق کووه نین بر عاملی اوله جغز . (انشالله صدالری)

طوراق بک (اضروم) — پک چوق کووه نین .
خارجیه وکیلی یوسف کمال بک (دوامله) — شو
معلومات رسمیه یی عرض ایتدکن صکره دوستمز
فراقان بویون طرفدن باش قوماندانمز پاشا حضر تلیرینه
چیلین تلغرافی ده مساعدنه کزله اوقویه جغ :
آقرده باش قوماندان مصطفی کمال پاشا حضر تلیرینه
سزه تشکر ایدرم . صاحی تأمین ایلین ذات دولتلرینک
بویوک ملت مجلسنک سایه سنده مملکتک دنیایه نظرنده
برقات دها تعالی ایتدی . بو آقشام فرانسه یه حرکت
ایدیورم . هر نقطه ده سزکله مطابقم .

دوستکمز
فراقان بویون
یحیی غالب بک (قیرشهر) — زواللی استانبول دها
قاچ آی ایکیله جک عجب ؛
خارجیه وکیلی یوسف کمال بک (دوامله) — یقینه
انشالله اورایده بویوک ملت مجلسی حکومتک اداره سی

آلتنه کورورژ . (انشالله صدالری)

رئیس -- افندم ! موضوع مذاکره من اولان مسئله مزه کچورژ . بویورک رفیق بک !

رفیق بک (قونیه) -- افندم ! زینت اشیا سنک ممنوعیتی حقه مندی بر قانونک بر ماده سننده المزده بولنان شکل دائره سننده تعدیلی حقه منده موازنه مالیه انجمنیه مالیه وکالتی تکلیفی کنندی قناعتم اعتباریه آلفیشلا یورم . معلوم عالیکز بر قاعده اساسیه و فقهیه وارددر . (خطاسی ظاهر اولان ظنه اعتبار یوقدر) کچن سنه بوقانونی هنوز مالیه وکالتی سندالیه سنه او طور مامش اولان رفیق محترم حسن فهمی بک افندی تکلیف ایتش و شدتله مر و جلرندن اولمشدم . کرک قانونک قبولندن صکره بر مبعوث صفتیه و کرک مالیه و کیلی اولدقن صکره صلاحیتدار بر ذات صفتیه بک یوکسک بر و قوفله واقع اولان تدقیقاتی کوزل بر صورنده اثبات ایدن بو قانونلری بو کون روح احتیاجی تمامیه تأمین ایده مامش و احتیاجه توافق ایتمین قانونلرک ، ماعیت تطبیقیه سنک اولمادیغنی عرض ایتمشدم .

دوقنور قواد بک (بولی) -- افندم ! عصمت پاشا حضر تلرینک مدانیه قونفرانسنده ، کوسترمش اولدینی همه مجلس نامنه تشکر ایدینسی ، بنده کز تکلیف ایدیورم .

رفیق بک (قونیه) -- هیچ شهبه سز بوکا بوتون آرقداشلر من اشتراک ایدر .

شکری بک (بولی) -- بو نقطه ده بر قاچ سوز سویلیه جکدیکز .

رفیق بک (قونیه) -- اوت ! رئیس افندی حضر - نلرندن بو نقطه حقه منده ، سوزایسته مشدم . مع هذا اولکی سوزلریمه بونی ده علاوه عرض ایدیم . افندم ! بونی بر اقدرق ، بک بحق اولان قواد بک افدینک سوزینه کچهرک و هیئت جلیله نك قناعتنه ترجمان اوله رق ، دییورم ، که : مدانیه قونفرانسی اداره ایدن عصمت پاشا حضر تلی کندیلرینه تودیع ایدیلن وظیفه می ملتزمک آرزو و آمانه موافق اولمق اوزره ، بحق اداره ایتش و ملتزمک شان و شرفیه متناسب اولمق اوزره ، اوراده طرفزدن جهانه قارشى . . .

ضیا خورشید بک (لازستان) -- رئیس بک ! نه حقه منده سوز آلدی . شمدی نهیه دائر سویلیور ؟ مصطفی کمال پاشا (آقره) -- سن نه قاریشیورسک ؟ نیچون خطیبک سوزنی کییورسک ؟ نه بوزییورسک ؟ او طور یریکه !

ضیا خورشید بک (لازستان) -- بن نه می قاریشیورم ؟ بر مبعوث اولمق صفتیه سوز سویلمکه حقم وارددر . صدد خارجنده سویلمدیکندن صده دعوت ایدیورم . رفیق بک (قونیه) دوامله -- جهانه قارشى بردفمه دها بشریتک محتاج اولدینی صالح عمومی یه دوغری شرفلی بر آدم آتیلدینی کوسترمک صورته بحق ملتزمک شکران و تقدیراتی تأمین ایتشدر . افدیلر ! مظلوم ملتزم ، ناحق یره سنه لردن بری هر طرفدن دوچار تجاوز اولدینی بر صروده عزم و ایمانه کوه نه رک ، سینه سنندن چیقاردینی قهرمان اردوسنک ، فداکار و عزم پرورانه همتلریه ، قهرمانلقلریه مقدس و میناق ملی « سنک چوق مهم اقسامنی له الحمد اله ایتشدر . شهبه سز ، بو شانلی ظفری وجوده کترین اردومزک بر نلرندن ، اک بویوک قوماندانه و اونک داهی قوماندانی محترم رئیس سز غازی مصطفی کمال پاشا حضر تلرینه بورادن ملتک بر و کیلی صفتیه تشکر ایمی سویلرکن ، جهان مدینه قارشى بردفمه دها باغریور ، فریاد ایدیورودییورم ، که : ای عالم مدینت !! بو کون حقه منی ، حق مشروعمزى بر چوق فدا کارلقلر یاهرق ، اوزریمزه مسلط قیلدیغکنر ظالم استیلاجیلرک نلندن کنندی قومزله آلدق . المزده قاهر و غالب بر سلاحز ، قوتمز وارکن ، ینه صلحه بو آنده طرفزدن ایلک آدم آتمق صورته صلح پرورلکمزى کوسترییورز . ایشه بو شرفلی وظیفه می ، مجلس عالینک حسیاتنه تر جهان اوله رق ، اردولری باشنده ، اک یوکسک قهرمانلقلری ، اک بویوک دهالری کوسترن عصمت پاشا حضر تلی اوراده سیاست و کیاستیه ، حکیمانه ادارده سیله ده کوسترمشدر . بناء علیه ؛ تکرار تشکری بروجیه عد ایلرم و شهبه سز مجلس عالیده ، بو حسیاتمه اشتراک ایدر . (های ، های سسلری)

مظهر مفید بک (حکاری) — رئیس بک ! بنده کزک
بوکا دائر بر تکلیفم وار .

ریاست جلیله

مدانیه مقاوله عسکریه سی مذاکراتی حسن اداره
ایدن غرب جهه سی قوماندانی عصمت پاشا حضرتلرینه
تشکر آتمزک ابلاغی تکلیف ایدرم .

حکاری

مظهر مفید

رئیس — افندم ! بو تکلیفی قبول ایدنلر لطفاً
الارینی قالدیرسونلر ! بالاتفاق قبول ایدلمشدر .

رفیق بک (قونیه) — افندم ! قانون ، روح احتیاجی
بحق افاده ایده مه مش ایسه ، قابلیت تطبیقیه دن محرومدر ،
دیرلر .

اوت افندیلر ! بوزینت اشیانک منعی حقندنه کی قانون ده
حقیقی احتیاجلردن دوغمادینی ایچون ، مع الاسف هممزک
آرزو ایتدی کمز نتیجه ایله قارشیلانما مشدر . بو قانونک
وضعی ، مقصدی تأمین ایتمه مشدر . بردفعه هر طرفدن
اقتصادی آبلوقه آتته کیرن مملکت مزدن برچوق پاره لرک
آقوب کیتمسنه مانع اولمق ایچون ، بویله بر قانونک وضعنه
طرفدار اولمشدق . فقط افندیلر ! صوریورم سزه ،
بالخاصه ساحلده بولنان آرقداشلریمزدن صوریورم —
عجبا پاره من آرزو ایتدی کمز کی ، مملکت مزدن آقوب
کیتمه مشمیدر ؟ بو قانونک وضعیله اوندن اولکی حاله
باقیلیرسه ، اوندن اولکی ایستاتستیکلر نظر دقته آتمش
اولسه ظن ایدیورم ، که : بر قاچ مثل ایله ، بر قاچ فضل سیله
کیتمشدر ، بو آنه قدر پاره مزک کیتمسیلده قالممشدر .
معنویات دینن بنیه اخلاقیه جه جوق فناضره لر ایندیرمش ،
صارصمشدر .

افندیلر ! غیر قابل انکار بر حقیقتدر . کمرک اداره لری
مالیه و کیلی بک افندیلر ده بورادن بیان واعتراف ایتدی کی
وجهله کمرک احوال حاضره و کمرک تشکیلاتک مکمل
اولماسی نتیجه سی اولمق اوزره قاچاق جلیله نامتناهی ،
نامحدود برر قیو حالنده ، قارشو مزده عرض وجود
ایتمشدر . کمرکده بولنان مأمورلر اویله فجیعه لر ، اویله

فناقلری قاپاته مامشدر و یا قاپاتمه نه دنسه موفق اوله مامشدر ، که :
بو قانونه خزیننه ملته کیرمیسی ایجاب ایدن یوز بیلیرجه
لیرا ، مع الاسف مملکتک بک الیم ، بک خزین ضررینه
بادی ، ومع الاسف بک سفیل و بک خسیس املاک
قربانی اولمش و خزیننه ملته کیرمدکن باشقه ، کیم بیلیر ؟
هانکی آدملاک بازیجه هوسات و منفعتی اولمشدر . بر مثال
عرض ایده رک نظر دقت عالیلرینی جلب ایده حکم .
مرسینده خزیننه ملته رسم اوله رق ۱۲ بیک لیرا کیرمیسی
ایجاب ایدن و اون ایکی بیک لیرا آلمسی لازمکن بر قاچاق
اشیا بک جزئی بر مبالغه مقابلنده — یعنی ۱۷۰۰ کسور
غروش مقابلنده — آشیرلش ، کورتورلش ، شمدی بوسوزی
سویلرکن ، بنده کزله بر سؤال توجیه ایده جکسکز ،
بیلیورم . اوکا جواب ویره می . اوت افندیلر ! هر وقت ،
هر برده سوء استعماللر یا بیلیدی کی ، بوده کاغدلر
اوزرینه انتقال ایتمش ، تحقیقاتلر یا یلمش ، مفتشدر
کیتمش ، مأمورلری تحت محاکمه یه آتمش مش مش مش .
نتیجه خزیننه ملتن ۷۰۰۰ لیرا کیتمش ، اوست طرفی
صوریورم ؟ بیلیورم کزله اولدیغی . ده صکره افندیلر !
کمرکرده یا یلان نامتناهی سوء استعماله ، برچوق ارباب
ناموس ، برچوق ارباب وطن ، ارباب حمیت تحمل
ایده میهرک ، مرجع تأدینی خبردار ایتمشدر . حتی ؛
بویوزدن دولایی دوچار تهید اولمشدر و حتی بوندن دولایی
برچوق جنایتلر یا یلمشدر . مرسینده کی وقعه یی بوکا بر مثال
اولمق اوزره عرض ایدرم .

اوت افندیلر ! بو قانون مملکت مزه بر فائده تأمین
ایتمه مشدر . بو قانون اقتصادیات ساحه سنده بزه ذره قدر
بر فائده تأمین ایتمه مشدر .
بو قانون هم اخلافه ، هم ده خزیننه ملته مؤثر اولمشدر .
آرتق محل تطبیقی قالمه مشدر . مالیه و کیلی بک افندیلر
بویوردقلری کی بو قانون بوس بوتون رفع ایدلمه یور .
شوراده نظر دقتکزی جلب ایتمک ایسته یورم . (د)
فصلنده اولدیغی کی ۱۵ منلی رسم آلم دیورم .
طوراق بک (ارضروم) — بوده محذولیدر . عین
محذور باقیدر .

بك سيوهرك ، حسيب بك مرعش ، حاجي بدر آغاملاطيه ، جلال بك كنج ، عاصم بك ارضروم ، قاسم بك موش ، راعب بك غازي عيتاب ، حسين بك العزيز ، ولي بك بوردور ، ضيا بك كنجري ، مفيدافندي قيرشهر ، حافظ محمد بك طربزون ، حيدر بك وان ، فياض عالي بك يوزغاد ، يوسف ضيا بك مرسين ، خسرو سامي بك اسكيشهر ، شاكربك آقره ، ناجي بك العزيز ، شيخ حاجي فوزي افندي ارزنجان ، محمد افندي آطنه ، سليمان نجاتي بك ارضروم ، حاجي عارف بك استانبول ، علي جناني بك غازي عيتاب ، علي رضا بك استانبول ، حاجي قريب آغاملاطيه ، عالم افندي قيصرى ، عبدالغني بك موش ، روشن بك كمشخانه ، محمد وصفي بك قره حصار شرقي ، شمس الدين افندي آقره ، علي فؤاد پاشا آقره ، راسم بك العزيز ، صادق بك قيرشهر ، عمر لطفي بك آماشيه ، حسين حسني افندي استانبول ، علي بك قره حصار صاحب ، طوفان بك حكارى ، اديب بك باطوم ، عطا بك نيكده ، صلاح الدين بك مرسين ، رشدي بك ارغني ، سري بك ارغني ، حسني بك بتليس ، طاهر افندي كنجري ، رشدي بك مرعش ، قلنج علي بك غازي عيتاب ، عمر ممتاز بك آقره ، حاجي مصطفى افندي آقره ، ياسين بك غازي عيتاب ، دوكتور فؤاد بك بولى ، محمد شوكت بك سينوب ، يوسف بك دكزلى ، صبري بك قسطه ونى ، حاجي عاطف افندي آقره ، خليل خلقي بك سعرد ، خليل بك ارطغرل ، راسم بك جبل بركت ، دوكتور اشرف بك آطنه ، نعمان اوسته استانبول ، سعيد بك كنجري ، بهجت بك كنجري ، كاظم حسني بك قونيه ، محمد كا كف بك دياربكر ، محمد كا كف بك بوردور ، عبدالله افندي آطنه ، الياس سامي افندي موش ، شيخ سيفي افندي كونا هيه ، عاطف بك قيصرى ، اسماعيل رمزي بك اسپارطه ، حاجي مصطفى صبري افندي سعرد ، اسماعيل بك ارضروم ، جاويد بك قارص ، عارف بك قونيه ، مصطفى فهمي افندي بروسه ، رفعت افندي قونيه ، مصطفى بك كمشخانه ، محمد نادر بك اسپارطه ، حقي حامي بك سينوب ، جواد عباس بك بولى ، مصطفى لطفي بك سيوهرك ، ثات افندي قيصرى ،

رفيق بك (قونيه) دوامله — بنده كزده بونك بردوا اولديغنه قائل دكلم . چونكه بوده قاچاقچيلغى تحديد ايدميه . جكدر ، فقط هيچ اولمازسه ممكن اولديغى قدر آچيقدن آچيغنه بايپلان سواسته ماللرى تحديد ايدميه جكدر . اونك ايجون بنده كز هيتت جليله كز دن — شخصم نامنه عرض ايديورم — بوقانونك برآن اول بوشكلده تعديلندن بوملكت چوق بويوك فائده كوره جكدر وبو صورته مملكته بويوك بر خدمت ياهش اولورز .

رئيس — افندم ! سوزايستين شونلردر . طوراق بك ، ياسين بك ، شكري بك ، عابدين بك ، حالبو كه اوچ تقريرده مذاكره نك كفايتي حقتنده دره . (مجلسده كيمسه بوق سسلرى) رئيس — مذاكره نك كفايتي قبول ايدنلر لطفاً ال قالديرسون ! مذاكره نك كفايه سي قبول اولمشدر . افندم ؛ بولايجه حقتنده ايكي تقرير واردر . بريسي ماده لره كچامه سي حقتنده ، ديكرى بولايجه نك ردى حقتنده در . شمدي اولارده دائر اولان تقريرى راي عاليمكزه وضع ايديورم . ردى حاوى اولان تقرير دكزلى مبعوثى يوسف بككدر . حقي حامي بك (سينوب) — افندم ! رده دائر اولان تقريرى رئيس بك افندي مجلس تالينك رايته وضع ايدميه . جكدر . حالبو كه مجلسده حاضر بولنان ذوات اوتوز كشي دره . بولايجه اوتوز كشي ايله مذاكره ايديله بيليرمي ؟

ضيا خورشيد بك (لازستان) — افندم ! مجلس اكثر يتله كشاد ايدلشدر ، هر كس مجلسه دوام ايتسون . رئيس — افندم ! تقرير لرلى رايكزه وضع ايدميه جكم . « رايه قونيه ماز سسلرى » افندم ! يارين معتاد ساعتده اجتماع ايدملك اوزره مجلسى تعطيل ايديورم .

ختم مذاكره
دقيقه ساعت
۵۰

آوانس قانوننك ايكنجى دفعه رايه وضعنده قانونى قبول ايدن اعضاي كرام اسماعيسى : نورى بك بولى ، ضمير بك آطنه ، يونس نادى بك ازميز ، فوزى افندي باطوم ، دوكتور مصطفى بك قوزان ، رضا بك موش ، مصطفى بك قره حصار شرقي ، محمد سري

مذاکره اولدیفته دائر لایحه انجمنی مضبطه سی
 سونفورلیلی ابراهیم افندیکن عفویته دائر تکلیفک شایان
 مذاکره اولدیفته دائر لایحه انجمنی مضبطه سی
 روم قلمی علیکن عفویته دائر تکلیفک شایان مذاکره اولدیفته
 دائر لایحه انجمنی مضبطه سی
 عسکر فراریسی مصطفی نیک عفویته دائر تکلیفک شایان مذاکره
 اولدیفته دائر لایحه انجمنی مضبطه سی
 اوتوموبیل وآلات زراعیه نیک کمرک رسمندن عفویته دائر
 تکلیفک شایان مذاکره اولدیفته دائر لایحه انجمنی مضبطه سی
 اجزاخانهدره جاب ایدیلهدجک ادوبه نیک کمرک رسمندن عفویته
 دائر تکلیفک شایان مذاکره اولدیفته دائر لایحه انجمنی
 مضبطه سی
 شورای دولت تشکیلی حقنده کی تکلیفک شایان مذاکره اولدیفته
 دائر لایحه انجمنی مضبطه سی
 بلدییه قانوننک تعدیلی حقنده کی تکلیفک شایان مذاکره اولدیفته
 دائر لایحه انجمنی مضبطه سی
 اعشار نظامنامه سنک تعدیلی حقنده کی تکلیفک شایان مذاکره
 اولدیفته دائر لایحه انجمنی مضبطه سی
 فراریلر قانوننه ذیل حقنده کی تکلیفک شایان مذاکره اولدیفته
 دائر لایحه انجمنی مضبطه سی
 مسکن بیجار لرندن ایکی آلیق ویرکو اخندی حقنده کی تکلیفک
 شایان مذاکره اولدیفته دائر لایحه انجمنی مضبطه سی
 آلمنش بش باشنی تجاوز ایدن محکومینک عفوی حقنده کی
 تکلیفک شایان مذاکره اولدیفته دائر لایحه انجمنی مضبطه سی
 جای وقهورمی فضلہ فیآناله صانانلرک عفوی حقنده کی تکلیفک
 شایان مذاکره اولدیفته دائر لایحه انجمنی مضبطه سی
 محکومینک جزای نقدی به تحویلی حقنده کی تکلیفک شایان
 مذاکره اولدیفته دائر لایحه انجمنی مضبطه سی
 خیانت وطنیه بجرمینندن برقسمنک عفوی حقنده کی قانونک
 تفسیرنه دائر عدلیه انجمنی مضبطه سی
 مسکرات نقلی ماده سنندن محکوم اولانلر حقنده کی عدلیه انجمنی
 مضبطه لری
 آنقره - ارکلی طرفتی حقنده کی لایحه نیک ردبته دائر ناقصه
 انجمنی مضبطه سی
 دارالمعلمین ماماشاق حقنده کی مضبطه
 مذاکره ایدیلهدجک مواد :
 عدلیه بودجه سی
 زینت اشیایی قانونی
 ممالک مستخلصه به کوندر بلهدجک استقلال محکمه لری قانونی
 آنقره ده برانستقلال محکمه سی تشکیله دائر تذکره
 مکلف اطبا و بیطبرلر قانونی
 بوغازلیان قائم مقامی کمال بک عالیه سنه معاش تخصیصنه دائر
 قانون

رضوا مق بک سینوب ، احمد حلمی بک قیصری ، سلیمان
 سودی بک بایزید ، حسن حسینی بک طربزون ، مدوح بک
 قره حصار شرقی ، رشید آغاملاطیه ، اسماعیل صبحی بک بوردور ،
 احمد بک یوزغاد ، عثمان قدری بک موش ، حمدی افندی
 دیار بکر ، بسم بک قسطنونی ، علی رضا افندی ایچ ایل ،
 حاجی طاهر بک اسپارطه ، محمد امین بک ارغنی ، نجیب
 بک ماردین ، مختار فکری بک مرسین ، نصرت افندی
 ارضروم ، تحسین بک آیدین ، یوزان بک اوروفه ، نیم
 افندی ایچ ایل ، علی واصف بک کنج ، حیدر لطفی بک
 ایچ ایل ، وهبی بک بتلیس ، جمال پاشا اسپارطه ، ابراهیم
 بک ماردین ، مدحت بک ماردین ، صدقی بک ملاطیه ،
 رفعت بک قیصری ، حافظ شاهین افندی غازی عینتاب ،
 مصطفی بک آنطالیه ، نشأت بک کنغری ، دو قور رفیق
 بک بایزید ، ضیاء الدین بک سیواس ، حق بک وان .
 رد ایدن اعضای گرام اسامیسی :
 نایل افندی قره حصار صاحب ، علی رضا افندی بطوم ،
 امین بک ارزنجان ، ادهم نهچی بک منتشا .
 مستکفلر :
 محمد وهبی افندی قونیه ، مظهر مفید بک حکاری ،
 حسن تحسین بک آنطالیه ، حسین بک قوزان ، عبدالحلیم
 چلبی افندی قونیه .

اجتماع آئی روزنامه سی

- ۱ - ضبطه ماہر فہرہ سی
- ۲ - ارارہ واردہ :

تقدیرناہ ایله تطایف ایدیلهدجک ضابطانک اسملری
 طربزون مبعوثی خسرو بکک تبریکنامه سی
 دیوان ریاست قرارلری
 نواحی قانونی حقنده داخایه وکاتی تذکره سی
 سؤال :

اقتصاد وکالتندن
 مضبطه لری
 قونیه استیناف رئیس واعضالرتک عفوی حقنده کی تکلیفک
 شایان مذاکره اولدیفته دائر لایحه انجمنی مضبطه سی
 بعض مجرمینک عفولرته دائر تکلیفک شایان مذاکره اولدیفته
 دائر لایحه انجمنی مضبطه سی
 محکوم ضابطان عالیه لرته معاش تخصیصنه دائر تکلیفک شایان

صنعتکار افراد ایله شوفورلره ویریله جک یومیه حقنده لایحه
قانونیه
سیویل اوسته لره ویریله جک یومیه حقنده لایحه قانونیه
متقاعدین معاشاتنه متعلق آوانس قانوننک سکزننجی ماده سنک
تفسیرینه دائر مضبطه

فنازلر رسومنک صورت استیفاسی حقنده مضبطه
منهوبات قومیسونلری تشکیلی حقنده مضبطه
اعمالات حربیه مدیریت عمومیه سی تشکیلاتی حقنده لایحه
قانونیه
سیویل عمله دن خسته اولانلر حقنده لایحه قانونیه



<p>تصنيف: تاريخ و جغرافيا المؤلف: محمد باقر سنة: 1312 مكان: طهران</p>	<p>تصنيف: تاريخ و جغرافيا المؤلف: محمد باقر سنة: 1312 مكان: طهران</p>
--	--



مكتبة
 مجلس
 شورای
 عالی